

摘藻堂四庫全書薈要

子部

欽定四庫全書薈要卷一萬一千五百九十一

子部

御定淵鑑類函卷一百四十三

政術部二十二

使絕域

專命

殺使

遇讐

使絕域一

原漢書曰張騫漢中人以郎應募使月氏與堂邑氏奴甘父俱出隴西徑匈奴得之傳詣單于單于曰月氏在吾北漢何以得往使留騫十餘歲予妻有子然騫持漢節不失王逸子曰或問張騫可謂名使者歟周流絕

域十有餘年自京師以西安息以東方數萬里百有餘國或逐水草或逐城郭騫經歷之知其習俗始得大蒜蒲萄苜蓿也 漢書西南夷傳云番禺令唐蒙上書曰

南越王黃屋左纛地東西萬餘里名為外臣實一州主今以長沙豫章往水道多絕難行竊聞夜郎所有精兵可得十萬浮船牂牁出不意此制越一奇也誠以漢之強巴蜀之饒通夜郎道為置吏甚易上許之乃拜蒙以中郎將將千人從巴笮關入遂見夜郎侯諭以威德約

為置吏 匈奴傳曰天子巡邊親至朔方勒兵十八萬  
騎以見武節而使郭吉風告單于既至匈奴匈奴主客  
問所使郭吉卑禮好言曰吾見單于而口言單于見吉  
吉曰南越王頭已懸於漢北闕下今單于即能前與漢  
戰天子自將兵待邊即不能亟南面而臣於漢何但遠  
走亡匿于幕北寒苦無水草之地為語卒單于大怒立  
斬主客而留吉遷辱之北海上 蘇武傳曰武帝遣武  
以中郎將使持節送匈奴使留在漢者武與副中郎將



張勝及假吏常惠等既至匈奴單于方欲發使送武會  
緱王與長水虞常等謀反常私候勝勝許之會單于出  
獵其一人夜亡告之單于子弟發兵與戰緱王等皆死  
虞常生得張勝聞之恐前語發以狀語武武曰事如此  
此必及我虞常果引勝單于怒召武受辭武謂惠等屈  
節辱命雖生何面目以歸漢引佩刀自刺氣絕半日復  
息單于壯其節李陵與蘇武書云足下以單車之使  
適萬乘之虜丁年奉使皓首而歸傅介子傳曰介子

以平樂監使樓蘭謂王曰天子使我私報王王起隨介  
子入帳中屏語壯士二人從後刺之刃交胷立死其貴  
人左右皆散走介子告諭以王負漢罪天子遣我來誅  
王漢兵方至毋敢動動滅國矣遂持王首還詣闕封義  
陽侯 馮奉世傳曰前將軍韓增舉奉世以衛侯使持  
節送大宛諸國客至伊脩城都尉宋將言莎車與旁國  
共攻殺漢所置莎車王從鄯善以西皆絕不通奉世與  
其副嚴昌計以為不亟擊之其勢難制必危西域遂以

節諭告諸國王因發其兵進擊莎車攻拔其城莎車王  
自殺傳其首詣長安諸國悉平威振西域 西域傳曰  
烏孫公主侍者馮嫪常持漢節為公主使行賞賜于城  
郭諸國敬信之號曰馮夫人為烏孫右大將軍妻右大  
將軍與烏就屠相愛都護鄭吉使馮夫人乘錦車持節  
詔烏就屠為小昆彌賜卬綬也 段會宗傳曰成帝時  
小昆彌末振將殺大昆彌而死漢遣會宗到昆彌手劍  
擊末振將太子番丘還封關內侯賜金百斤 應劭漢

官儀曰建武二十四年遣中郎將段郴逆單于五原塞  
東觀漢記曰時北匈奴遣使求和親上遣鄭衆使匈奴  
衆至北庭虜欲令拜衆不為屈單于大怒圍守閉之不  
與水火衆拔刀自誓單于恐而止 增冊府元龜曰  
鄭元璜武德中以太常卿使突厥還高祖勞之曰卿在  
虜庭累載拘繫蘇武弗之過也拜鴻臚卿 又曰鄭元  
璜貞觀中使突厥還奏曰突厥興亡唯以羊馬為驗觀  
其六畜並已疲羸部落皆有菜色而牙內炊飯化為血

咎徵如此不出三年必當覆滅頃之突厥果敗 又曰  
陳大德為職方郎中貞觀十五年使于高麗欲窺其國  
俗每至城邑輒以綾綺遺其官守莫不歡悅大德因謂  
之曰吾性好山水欲往遊踐其國人信之遂得在道屈  
曲而行往往見中國人莫不垂涕 又曰裴耀卿為戶  
部侍郎玄宗開元二十年信安王禕受詔封契丹耀卿  
為副俄又令耀卿齎絹二十萬匹分賜立功奚官耀卿  
曰齎持財帛深入寇境不可不為備也乃先期而往一

朝而給時突厥果勒兵謀劫比至而耀卿已還 又曰  
蕭昕代宗大歷初為國子祭酒使回紇回紇庭詰昕曰  
祿山思明之亂非我無以佐定唐國奈何市馬而失信  
不時歸價衆皆失色昕答曰僕固懷恩我之叛臣乃者  
爾助為亂犯郊畿及吐蕃敗走回紇悔懼稽顙乞和非  
大唐存念舊功則匹馬不出塞矣回紇慚退加禮 孔  
帖曰李義琰使高麗其主據榻召見義琰不拜曰吾天  
子使可當小國之君奈何倨見我主詞屈為加禮 冊

府元龜曰崔瑗為監察御史敬宗寶歷元年自鎮武使

回鶻延英對問遠地言朕如何瑗對曰四方皆言陛下

納諫如流帝大悅賜緋魚袋又曰陳乂性孤執明宗

長興中冊晉國公主石氏于太原晉高祖善待之人或

有獻可于乂宜陳一謳頌以稱高祖之美可邀其厚賄

乂曰人生貧富咸有定分未有持天子命違禮以求利

聞者嘉之四朝國史曰王拱辰字君貺至和二年以

三司使聘契丹見其主于混同江設宴垂釣每得魚必

酌酒飲客親鼓琵琶以侑謂其相曰此南朝少年狀元  
又曰張方平神宗時使契丹契丹主顧左右曰有臣  
如此佳哉名臣言行錄曰王信奉使北國肆射都亭  
首破的館人駭愕問曰尚書得非黑王相公子孫乎謂  
武恭公德用也又妙於筆法僉使有求書與之趨謝曰  
前無古人後無來者東都事略曰沈起字興宗奉使  
契丹至其庭著位與西夏使同班起曰西夏陪臣不當  
與王人齒遂升班宋史曰洪皓番陽人有奇節為大



金通問使至雲中粘罕迫使仕劉豫皓曰萬里銜命不得奉兩宮南歸恨力不能磔逆豫忍事之耶流遞冷山陳王悟室聚落也悟室使教其子或二年不給衣食常大雪薪盡以馬矢燃火煨麪食之金主以生子大赦許使人還鄉帝曰卿忠貫日月雖蘇武不能過又曰朱弁婺源人建炎初議遣使問安兩宮弁奮身自獻詔為通問副使至雲中粘罕使就館守之以兵紹興二年金人遣宇文虛中來言和議可成當遣一人詣元帥受書

虛中欲弁與正使王倫探策決去留弁曰吾來固自分  
必死豈應今日覬倖先歸願正使受書歸報天子成兩  
國之好蚤申四海之養於兩宮則吾雖暴骨外國猶生  
之年也倫將歸弁請曰古之使者有節以為信今無節  
有卽卽亦信也願留卽使弁得抱以死死不腐矣倫解  
以授弁弁受而懷之卧起與俱金人迫弁仕劉豫且誅  
之曰此南歸之漸弁曰豫國賊吾恨不食其肉又忍北  
面臣之吾有死耳金人怒絕其餼遺以困之弁忍飢待

盡金人亦感動致禮如初 經濟類編曰元世祖時使  
梁曾等至安南其國有三門陳日煇欲迎詔自旁門入  
曾貽書責之往復者三卒從中行日煇遣其臣陶子奇  
偕曾來貢曾進與日煇辯論書帝悅解衣賜之時有親  
王至自和林帝命酌酒先賜曾謂王曰汝所辦者汝事  
梁曾所辦者吾與汝之事勿以為後也

使絕域二

原暴骨

黔面

路溫舒請使絕域暴骨方外盡臣下節  
太僕杜延年問狀罷歸故官以言無可

取漢使王烏窺匈奴法漢使不去節不黥面不入穹廬烏習胡事乃去節黥面單于愛之許遣子入侍後使楊信不去節坐穹廬之外蘇武典屬國班超定遠侯蘇武漢使匈奴

十九年不失節歸為典屬國班超字仲升久在絕域思土上疏願生入玉門關帝從之終軍請

長纓張騫窮河源終軍請使拜諫議大夫使南越而請長纓以羈虜張騫使外國窮

河源封博望侯隨絕域之聘人領天隅之歸客千里有

不歸之魂殊鄉有哀苦之事增長揖爭禮冊府元龜

曰漢陽郡李瓌武德中齋布帛數萬段與突厥結和親頡利大悅後將復命頡利謂左右曰李瓌前來恨不屈之今日必令下拜瓌知之及見長揖不屈頡利怒留瓌不遣瓌竟不為屈頡利知不可脅始禮遣之又曰蘇

世長為天策府學士貞觀初聘于突厥與頡利爭禮不受賂遺朝廷稱之

齧雪旗

食鐵

石漢書曰蘇武字子卿以中郎將使持節使匈奴單于欲降之迺幽武置大窖中天雨雪武卧齧雪與旃毛

并咽之數日不死匈奴以為神乃徙武北海無人處使牧羝羝乳乃得歸孔帖曰和逢堯突厥默啜請尚

公主逢堯以御史中丞報可默啜遣貴近頡利來曰詔

送金鏤具鞍乃塗金非天子意請罷和親左右色動逢

堯乃牽持其人謂曰漢法重女壻而送鞍具欲安且久

不以金為貴可汗乃貪金而不貴信耶默啜聞曰斯食

鐵石人不可易因備禮

以見可汗為斂髮再拜

閱六歲

要五事

合璧事類曰崔倫以

右庶子使吐蕃鹵背約留二歲執倫至涇州逼為書約

城中降倫不從更曰邏娑城閱六歲不屈乃還代宗見

為感動嗚咽即具陳鹵情山川險易指畫帝前入服其

詳經濟類編曰寧宗時方信孺使金至濠州統石烈

子仁止之于獄露刃環守之絕其薪水要以五事信孺曰反俾歸幣可也縛送首謀自古無之稱藩割地非臣子所敢言子仁怒曰若不望生還耶信孺曰吾將命出國門時已置生死度外矣信孺三使金師以口舌折強敵

唐恪撤衛

杜暹埋金

合璧事類曰唐恪牂牁地命往撫諭夷人自疑衷

甲以逆之恪盡撤兵衛將驕卒數十人往夷人望見投兵聽命感泣曰不圖今日得沾聖化冊府元龜曰杜暹為監察御史玄宗開元中承詔往磧西蕃人齎金以遺暹暹固辭不受左右曰公遠使絕域不可失人情暹不得已受之埋于幕下既

貿易皆絕

賂遺無受

冊府

出境乃移牒令往取之

元龜曰歸崇敬代宗大歷初為倉部郎中充冊立新羅王使故事使新羅者至海東多有所求或攜資帛而往貿易貨物崇敬一皆絕之東夷稱重其德又曰郭崇韜自莊宗為晉王時為中門使李存審收鎮州帝命崇

韜慰撫之或有以珍貨賂遺者崇韜都無所受但以書籍數千卷歸

擁節不屈 騎棟

以觀冊府元龜曰陳行焉為吉州長史往吐蕃大臣欽陵使行焉拜伏行焉擁節不屈四朝國史曰許

將字仲元奉使契丹居人騎屋棟聚觀曰看南朝狀元

有死而已 不和無害

東都事略曰辛仲甫字之翰太平興國初奉使契丹問黨進何如人仲甫曰國家異人間出黨進何足道哉契丹主欲留之仲甫曰信以承命義不可留有死而已契丹主不能留又曰孔道輔使契丹契丹主酌以大卮

曰天寒飲此可以致和氣道輔曰不和固無害

蔣儼置窟室 鄭權乘肩輦

冊府元龜曰蔣儼貞觀中為右屯衛兵曹參軍太宗將征遼東募使高麗者衆皆畏憚儼謂曰主上雄畧華夷畏威小番豈敢圖使者縱其凌虐亦吾死所也遂請行及至高麗莫離支置于窟室脅以兵刃終不屈撓又

曰鄭權為左散騎常侍穆宗長慶二年為回鶻告哀使  
帝以權嘗歷顯位器質魁偉有詞辨故任之權辭疾不  
免乃乘肩輿涉磧至虜庭  
詞氣不撓得使臣之體

### 錄風俗物產 知山川道

里孔帖曰韋洪機使西突厥冊拜同俄設為可汗會石  
國叛道梗三年不得歸裂裾錄所過諸國風俗物產

比還太宗問外國事即上其書 東都事畧曰劉敞字  
原父奉使契丹敞博聞強記素知虜山川道理虜自言

北至柳河回曲千餘里敞聞曰自松亭趨柳河其徑  
不數日可至中都何不道彼而道此虜相顧驚愧

### 絕割地之議

### 拒增幣之請

初契丹南牧真宗親御六

軍契丹有求和之意以利用使于兵間真宗曰契丹求  
關南之地當以理絕之利用對曰虜若妄有所求臣不  
敢生還利用見虜果首及關南地利用曰割地之議死  
不敢聞虜度不可屈遂決通好之議 又曰富弼仁宗



朝使契丹既至虜專欲增幣曰南移我書當曰獻否則  
曰納弼爭不可聲色俱厲於是留增幣誓書復使耶律  
仁以其國誓書來且求獻納弼  
奏曰臣以死拒之虜氣折矣  
子壻豈可稍倨公

主豈宜先往

冊府元龜曰鮮于叔明肅宗乾元中為司  
勳員外郎副漢中王瑤使回紇回紇接禮

稍倨叔明離位責之曰可汗大唐子壻豈可恃微功而  
傲乎可汗改容加敬又曰胡証為金吾大將軍穆宗  
長慶二年送太和公主入蕃去回鶻可汗牙帳尚信宿  
可汗遣數百騎來請與公主先從他道去証曰我奉天  
子詔送公主以授可汗今未  
見可汗豈宜先往使乃止  
焉可追論新羅  
豈得

不厚回鶻

冊府元龜曰相里元獎貞觀中為司農丞使  
高麗謂蘇文曰主上令高麗罷兵勿擊新羅

蘇文曰往者隋室相侵新羅乘釁奪地五百里自非反  
地此兵恐未能已元獎曰往事焉可追論如遼東諸城

舊並中國郡縣高麗必求本地中國亦須復疆宇國家  
尚且不言高麗豈得違命又曰劉元鼎穆宗長慶初  
為大理卿使吐蕃見其都元云回鶻小國也而唐國待  
之厚于我何哉元鼎云回鶻于國家有救難之勲又不  
曾侵奪分寸  
豈得不厚

### 使絕域三

原周禮夷使

四夷之使

漢令沒蕃

田令因王事落蕃未還  
有親屬同居者其身分

之地六年乃追身還之日隨便充給即身死王事者子  
孫雖未成丁亦不追戰傷人篤疾亦不追咸聽終身也

增容儀閑雅

冊府元龜云豆盧寬太宗貞觀中為殿  
中監使於突厥寬容儀閑雅詞旨可觀

突厥甚敬憚焉

招徠羯

又云中宗即位遣侍御史張行岌  
往招慰徠羯渤海郡王大祚榮

喻國威信

孔帖云婁師德上元初為監察御史會吐蕃盜邊師德奉使收敗亡于北河因使吐蕃其

首領自赤嶺操牛酒迎勞師德喻國威信開陳利害虜為畏悅

遠近疆界立談悉定

唐張說郭震行狀曰遷奉宸監丞屬吐蕃請和親令報命至境上與贊普相見宣國威命責其翻覆長揖不拜

瞋目視之贊普曰漢使多矣無如公之誠信遠近疆界立談悉定因遺金數十金而還公悉以進上

番

人大獻琛賫

冊府元龜云韋倫德宗建中初為太常少卿使吐蕃初宣諭皇恩次述國家威德番

人悅之大

清儉謹慎

又云關播德宗貞元中為刑部尚書充送咸安公主及冊可汗

獻琛賫

使來往皆清儉

復命遷金吾

又云柳晟為檢校工部尚書憲宗元和初充回

謹慎番人悅之

鶻弔祭冊立使復

不得與私覲正員官告

文獻通考云元和十

二年敕入番使不得與私覲正員官告舊例使絕域者許賣正員官告取貲以備私覲非典法故革之

慕蘇武

孔帖云崔敦禮回紇迷度為下所殺詔往綏定立其嗣而還敦禮通知四夷情偽其少慕蘇武

為人故屢使突厥前後建明允會事機

出疆專對

冊府元龜云于頔以櫟陽主簿攝監察御

史克入蕃使判官時論以為有出疆專對之能

辭鳳闕到雞林

劉禹錫送源中丞詩云面

帶霜威辭鳳闕口傳天語到雞林

遠而有光華

白居易裴通制云投冊與節臨軒遣之庶

乎遠而有光華且使絕俗殊都益敬吾使也

張薦三使

彙苑詳注云唐張薦字孝舉占對詳

辨三使絕域

鵠舌問三蘇

蘇軾送子由使契丹詩云羶義年來亦甚都時時鵠舌問三蘇

驛騎凌風雪

又云不辭驛騎凌風雪要使天驕識鳳麟

玉節郎

又送王敏仲北

使詩云衝風振河朔飛霧失太行洗眼忽驚笑見此玉節郎

### 各從本朝歷

名臣言行錄云

蘇頌充北朝生辰使在虜中過冬至本朝歷先北朝一日北人問公孰是答曰歷家算術小異遲速不同謂如

亥時節氣當交則猶是今夕若踰數刻為子時為明日矣或先或後各從本朝之歷可也虜深然之願

### 速加兵

和經濟類編云孝宗時湯思退奏遣魏杞如金議

面諭杞曰今遣使一正名二退師三減歲幣四不發歸附人杞陛辭奏曰臣將旨出疆豈敢不勉萬一無厭願

速加兵金館伴張恭愈脅杞去大字杞拒之具言天子神聖才傑奮起金君臣環聽恭疎

### 袒寢一

### 室

元姚燧總管張公墓誌曰公諱庭珍字國寶至元六年授朝列大夫佩金符責貢安南至其國詰王曰皇

帝不欲郡縣王地版籍王民聽其稱藩遣使諭旨王猶倔岬海徼自矜尊高天威小震無煩遠召中國雲南十

萬之師再月可至王使力士白刃環衛公  
乃袒寢一室盡擲所懸箭弓刀槊付衛士

### 使絕域四

增詩元陳旅送趙子期使交趾詩曰曉日承恩紫殿深  
都門祖道馬駸駸上書不奉唐蒙策歸橐寧將陸賈金  
露入珠盤鮫室白苔生銅柱象崖陰為君臨水歌黃鵠  
天北天南萬里心 素楠安南行送李景山侍郎出使  
曰輜軒使者安南來紫泥封詔行風雷濕雲翻空海波  
立鐵網山裂狂蛟漼神京煌煌鎮無極火鼠燭龍窮髮

北彈丸之地何足論蚯蚓為城霧為域瘴江如墨黃茅  
昏羣蠻渡江江水渾千年白雪不到地十月青梅猶滿  
邨赤脚搖脣矜捷鬪竹箭藏蛇雜獠狄崛強爭誇井底  
蛙低徊自比泥中獸龍飛天子元年春萬邦執璧修臣  
隣朱干玉戚廣庭舞笑問銅柱今何人君不聞重譯之  
人越裳氏有道周王輸白雉又不聞防風之骨能專車  
神禹震怒行天誅李侯桓桓水蒼珮舌本懸河四方對  
後車並載朝未央稽顙九拜乞取金邱歸炎荒 明曾

蔡陳員外奉使西域周寺副席中道別詩曰漢家郎官  
頭未白扈從初為兩京客忽逢天邊五色書萬里翩翩  
向西域腰間寶劍七星文連旌大旆何繽紛解鞍夜卧  
營中月攬轡朝看隴上雲黃沙斷磧千迴轉玉關漸近  
長安遠輪臺霜重角聲寒蒲海風高弓力軟茲行騎從  
歷諸蕃毳帳依微絕漠間殘烟古樹羗夷聚遠火荒原  
獵騎還蕃酋出迎通漢語穹廬蒲萄酒如乳舞女爭呈  
于闐妝歌辭盡協龜茲譜當筵半醉看吳鉤上馬便著



金貂裘山川遙認月支窟部落能知博望侯草上風沙  
亂騷屑邊頭日暮悲笳咽行窮天盡始回轅坐對雪深  
還仗節歸來雜還宛馬羣立談可以收奇勲却笑古來  
征戰苦邊人空說李將軍

增序唐韓愈送殷員外序曰唐受天命為天子凡四方  
萬國不問海內外無小大咸臣順于朝時節貢水土百  
物大者特來小者附集元和睿聖文武皇帝既嗣位悉  
治方內就法度十二年詔曰四方萬國惟回鶻于唐最

親奉職尤謹丞相其選宗室四品一人持節往賜君長  
告朕之意又選學有經術通知時事者一人與之為貳  
由是殷侯侑自太常博士遷尚書虞部員外郎兼侍御  
史朱衣象笏承命以行朝之大夫莫不出餞酒半右庶  
子韓愈執盞言曰殷侯今人適數百里出門惘惘有別  
離可憐之色持被入直三省丁寧顧婢子語刺刺不能  
休今子使萬里外國獨無幾微出于言面豈不真知輕  
重大丈夫哉丞相以子應詔真誠知人矣士不通經果

不足用于相屬為詩以道其行云

專命一

原越境 收邑

傳鄉非君命不越境 孟常使魏子收邑三萬不致曰有賢者轉假與之矣後

受施者自刎明孟常不反也

遂盟

矯制

公羊傳公子結媵陳人婦遂及齊侯宋公盟

遂事也使者受命不受辭 馮奉世陳湯矯制詳武功矯制

聞卒乃還 不至而

反 傳士句侵齊及穀聞齊侯卒乃還禮也嫌其不待君命為失禮故明言其禮又善不伐喪也 汲黯字長

孺上使視東越相攻至吳而反曰越人相攻不足辱天子之使

使作徒衣 難從膠

柱 鍾離意字子阿部送徒詣河內時寒徒病不能行意移牒屬縣使作徒衣縣上狀意亦具聞帝善之行

人將欲敗謀  
難從膠柱

徐偃鼓鑄

汲黯發倉

博士徐偃行風俗矯制使膠東

魯國鼓鑄鹽鐵還奏張湯劾至死偃以春秋之義可以  
安國家定社稷專之可也詔終軍問罪詰曰古者諸侯  
國異俗百里不通故有不受辭專可之宜今萬國為一  
天下同風偃巡封域之中稱以出疆何也且鹽鐵在國  
家不足為利害而以安社稷為辭矯作威福以  
干名譽罪重而所就小偃即死下詳奉使四義有

隨時

恭無專命

使者誠為擇利

或人未可與權

荀叶盡忠之節

難科專造之辜

違命折券尚不

論辜

矯制發倉猶聞釋罪

馮譙汲黯

增權知軍務

襲

取歸安

冊府元龜曰孔巢父德宗時為給事中魏博宣慰使田悅背叛久其下厭亂且喜巢父之至田

承嗣之子緒以失職怨望因人心之搖動遂構謀殺悅  
稟命巢父巢父因以衆意令緒權知軍務以紓其難  
又曰周李至為替善大夫世宗將用師于西南用至為  
轉運判官行次永興為人所說欲襲取歸安鎮乃先以  
其事白于永興節度使王彥超超素知歸安路險深不  
之許至稱奉密旨彥超無以阻之既入山行數百里蜀  
寇奄至軍士多死遂為其所擄焉

## 專命二

原雖有君命何其速也 苟利國家專之可也 增及

諸侯盟

左傳云齊侯以諸侯之師伐楚次于陘夏楚子使屈完如師師退次于召陵齊侯陳諸侯之師

與屈完乘而觀之曰以此衆戰誰能禦之以此攻城何城不克對曰君若以德綏諸侯誰敢不服君若以力楚

國方城以為城漢水以為池雖  
衆無所用之屈完及諸侯盟

**猶柱不可書**

韓詩外傳云趙

王遣使者之楚方鼓瑟而遣之誠之曰必如吾言使者  
曰王之鼓瑟未嘗悲若此也王曰宮商固方調矣使者  
曰調則何不書其柱耶王曰天有燥濕絃有緩急宮商  
移徙不可知是以不書使者曰明君之使人也任之以  
事不制以辭猶柱之不可書也

**原受賂折脇**

范雎從須賈使齊齊王賜金須賈以告魏齊齊

以睢告國陰事得金擊睢折脇拉齒

**受金失官**

司馬相如受金失官

**增救危除**

**患**劉向奉使篇云春秋之辭有相反者四既曰大夫無

遂事不得擅生事矣又曰出境可以安社稷利國家

則專之可也既曰大夫以君命出進退在大夫矣又曰

以君命出聞喪徐行而不反者何也曰此四者各止其

科不專移也不得擅生事者謂平生常經也專之可者

謂救危除患也進退在大夫者謂將帥用兵也徐行而

不反者謂出使道  
聞君親之喪也

### 殺使一

原楚執蹶由以釁鼓

宋殺申舟于假道

楚伐吳使弟蹶由攜師楚

靈王執之將以釁鼓使齊假道于宋宋殺之舟

楚子執解揚

馬超殺閻

溫上詳奉使一遣溫密出告救于夏侯淵為超所獲超令言于冀城

魏閻溫字伯儉時馬超圍冀城急州云東方無救溫偽許之乃將至城下曰淵軍三日至勉之勉之遂殺之

寇恂斬皇甫文

諸葛殺劉整鄭

後漢寇恂字子翼擊高峻峻遣軍師皇甫文出謁辭禮不屈恂怒欲斬之

諸將以為不可恂不聽斬之峻即日降諸將問之恂曰文峻之腹心殺之則峻亡其膽所以降耳諸將曰非所

及也 劉整鄭為諸葛恪  
所獲事與上閭溫相類

樂初不敬雖聞可討之辭

伯蠲無辜終貽非禮之誚

宋樂初聘晉不敬執之詳廢命 晉伐鄭鄭人使伯

蠲行成晉殺之非禮也古  
者兵交使在其間可也

增何謂勅耶 安可臣哉

冊府元龜曰顏真卿為太子太師建中末李希烈陷汝  
州宰相奏顏真卿四方所信使諭之可不勞師旅真卿  
見希烈送于龍興寺德宗復宮闕希烈弟希倩在朱泚  
黨中伏誅希烈聞之怒乃使闍奴殺真卿先曰有勅賜  
卿死真卿曰老臣無狀罪當死不知使人何日發長安  
奴曰從大梁來真卿罵曰乃逆賊耳何謂勅耶遂縊殺  
之 下詳

奉使一

殺使二



增遮殺漢使

漢書云樓蘭國最在東垂近漢當白龍堆

數為吏卒所寇愆父不便與漢通後復為匈奴反間數遮殺漢使其弟尉屠耆降漢具言狀

國難

不能死非人臣

冊府元龜曰吳淑章敬皇后弟也建中初為左金吾大將軍時涇原兵叛德宗

擇大臣可使者衆憚其行淑曰國難不能死非人臣也吾忝恩戚知死所矣遂請使焉及至泚逆謀已決害淑

于四方

不止素服

又云孔巢父為給事中興元二年李懷光擁兵河中巢父奉使宣慰

既傳詔旨懷光素服待命巢父不止之衆咸忿曰太尉盡無官矣遂害巢父德宗聞而驚悼之

屏語

移時

孔帖云李師道使劉悟將兵屯曹法一而信士卒樂為用悟從營潭趙魏師壁阿井或言悟且亂不

如速去師道遣使兩輩來責戰密語其副張暹使斬悟使者與暹屏語移時悟疑之遲以情告悟乃斬使者

為念生所害

冊府元龜曰魏崔士和為中散大夫武定末蕭寶夤在關中以士和為督府長

史時莫念生遣使詐降寶夤

蠟書來

孔帖云周世宗征淮李景懼遣

表士和撫慰為念生所害

孫晟奉表言景願割六州之城世宗已取滁揚諸州因

留使者會李重進以景蠟書來多斥周過惡由是發怒

曰安得此言亟收晟下獄殺之晟臨死神色怡然

### 殺使三

增行狀明鄭濟翰林侍制王禕行狀曰其在翰林未久  
出使吐蕃未達境召還五年正月又使雲南六月抵其  
境見梁王君臣而諭之曰皇上聰明神聖新創大業皆

天命人心之所歸惟爾有衆僻在西南未洽聲教故遣使者來諭意今能亟奉版圖歸職方則尺土一民安堵如故高爵厚祿不爾吝也否則如魚遊釜中終取夷滅時梁王君臣相顧駭服已有降意會元之遺孽有自立于朔漠者遣使脫脫徵糧餉且欲連兵以拒我覘知梁王有貳心因以危言必欲迫梁王殺我使以固其意時梁王持兩可不決固匿公于民間脫脫聞之愈責誚梁王不得已以公出見之脫脫欲以威屈公慷慨罵曰天

訖汝元命我朝寔代之汝如燭火餘燼尚欲與日月爭  
光耶我將命遠來豈為汝屈今惟有死而已寧以迫脇  
為懼耶顧謂梁王曰汝朝殺我大兵夕至矣遂被害

### 遇讐

原不鬪

遂入

禮記子夏曰居昆弟之讐如之何子曰仕不與共國銜君命而使雖遇之不鬪

魯使敬叔弔滕伯惠伯為介及郊懿伯之忌不入惠伯曰政也不可以叔父之私不將公事遂入注懿伯惠伯叔父也忌怨也惠伯不以私害公故遂入

非忠

不弟

傳以私害公非忠也居兄之

仇避為不弟

見讐不殺雖類寬身

受命而行亦宜獲考

傳不可以見讐而不殺  
下臣獲考獲考謂事得成

皇華奉命 白刃相讐


捨則崇讐 報為廢命 與夫失節 寧其斷恩 未

復命於飲冰 寧報讐於磨刃 奉辭成命必念解揚

之忠 損怨避仇宜寡趙喜之怒 虐我則讐言誠謂一

之已甚 銜君之命且宜兩不相傷

御定淵鑑類函卷一百四十三



總校官庶吉士

臣

張能照

校對官檢討

臣

王福清

謄錄監生

臣

王詔

謄錄監生

臣

吳魯

欽定四庫全書薈要

子部

御定淵鑑類函卷一百四十四

欽定四庫全書薈要卷一萬一千五百九十二

子部

御定淵鑑類函卷一百四十四

政術部二十三

功勲總載

詐功 錫命 賞賜

讓功 伐功

銘功

功勲總載一

原鑄器

鑄石

周禮司勲職鑄器銘勲鄭注云勲功也  
有功者鑄器以銘之 蔡邕橋玄鼎銘

曰鮮卑入塞河朔度劉度遼將軍始受旌旂鉞鼓之任  
鮮卑斂跡視事三年烽燧爰息弓不受強馬不帶纓是

用鏤石文

定國

獻王

說文以勞定國曰  
功 獻功於王

保庸

嘉績

周禮太宰以八統馭萬民五曰保  
庸注安有功也 書嘉乃丕績

書勞

旌伐



傳公至自晉孟獻子書勞於廟且旌君伐注伐功也

制祿

報封

周禮以庸制祿則人

興功注以祿賞功則人勸也

禮成王以

奏膚

尸

大以奏膚功注奏為也膚大也

方鳩

明試

書方鳩

功僇具也又明試以功車服以庸

帝念

予嘉

書維帝念功予嘉乃勲

告成

稽緒

書告厥成功稽其功緒

在泮

貪天

在泮獻功之功以為已力

貪天

圖閣

藏廟

漢志圖功臣於麒麟閣剖符作誓曰黃河如帶泰山如礪功不

漢高與功臣

絕丹書鐵契金匱石室藏之宗廟也

主司勲

銘彝器

周禮司勲上士二人注主封賞

銘東都賦

加于時

疑惟重

書功加于時時當時也又功疑惟重

全關中

定天下

史記云漢五年定天下論功以蕭何第一曰漢與楚相爭滎陽數亡山東

蕭何常全關中此萬世之功也

後漢書云

若丘山

著金石

光武下馮異壘書曰虜兵猥下征西功若丘山猶自以為不足孟之反之奔而殿亦何異

也杜篤吳漢誄云死而不朽名立丹書功著金石與日月俱

勒銘燕然立柱林

邑

燕然山銘曰鏖王師兮征荒裔勦凶虐兮截海外覓其邈兮亘地界封神丘兮建隆碣熙帝載兮振萬世

兩銅柱於林邑以表功

范睢已極曹參最多

史記

蔡澤說范睢曰君相秦計不下几席謀不出廊廟坐制諸侯使天下皆畏秦君之功極矣成功之下不可久處君熟計之又云漢定天下受封秦位次曰平陽侯曹參身被七十創攻城畧地功最多宜第一

無

廢二勲 不任三公

臧武仲曰苟守先祀無廢二勲謂祖文仲及宣叔之勲 光武以吏

事責三公故不任功臣

銘於太常 藏於盟府

周禮有功者司勲銘於王之太

常下見左傳

紀於旌旗 鏤於金石

書厥有成績紀于太常注太常旌旗也

下見文子

舍爵策勲 列功覆過

上見左傳見漢陳湯傳

汗馬

之勞

橫草之功

漢高錄功欲先蕭何諸將曰何無汗馬之勞云云 終軍言無橫草之功

得列宿衛

輸力

計功

左傳

戡難書之竹帛

茂勲銘於

鼎鐘

蘭生收功於章臺

驃騎發跡於祁連

揚雄文

効錐刀之用立毛髮之功

展犬馬之效立方寸之績

並文選

周宣之代國人歌方叔之功列於周雅 漢武

之朝詞臣美充國之績興於漢頌 增丕績 奮庸詳

嘉績注 尚書曰有能奮庸熙帝之載

藏鐵契 被金甲

上詳藏廟注冊府元龜

曰高祖武德四年秦王平王世充竇建德凱旋親被黃金甲陳鐵馬萬餘騎甲士十三萬人前後部鼓吹俘三

偽主及隋神器輦輅獻於太廟帝大悅行飲至禮以享焉 破竇建德 擊王世充

冊府元龜曰段志玄武德初以光祿大夫從劉文静拒屈突通於潼關後從討王世充破竇建德功又居多

又曰尉遲敬德武德中以秦王府左一統軍從太宗擊王世充又從討劉黑闥於臨洛敬德率壯士犯圍而入

大破賊陣已又從破 抗軌俱預 犖袒為首 冊府元龜曰竇徐圓朗累有戰功

抗為左武侯大將軍從太宗平薛舉勲居第一又從征王世充及東都平冊勲太廟者九人抗與從弟軌俱預焉朝廷榮之又曰梁趙犍弟昶初為陳州防遏都指揮使黃巢將孟楷擁衆據項城縣昶與兄擊破之擒楷以歸其後連日交戰無不應機俘斬未嘗小衄朝廷紀勲一門之中疊加爵秩當時征鎮之內言忠勇者言守禦者皆以功勲者言政事者皆以犍昶為首

近世所未有 他人不足當帖

曰李愬父晟入京師市不改肆及愬平蔡亦如之功名之奇近世所未有 又曰五代裴迪梁太祖自岐還將吏皆賜迎鑾叶贊功臣太祖目迪曰叶贊之功惟裴公有之他人不足當也

## 功勲總載二

原懋賞

書功懋懋賞

厚賞

又功多有厚賞

增功宗

又曰今王即命日記功宗

以功作元祀惟命曰汝受命篤弼丕視功載

原以功詔祿

周禮司士職云以德詔爵以功

詔祿以能詔事以久奠食案鄭注云德謂賢者食稍食也賢者既爵乃祿之能者事成乃食之

以庸

制祿

又大司徒職云以庸制祿則民興功鄭注云庸功也爵以顯賢祿以賞功

王功曰勲

輔成王業若周公也

國功曰功

保全國家若伊尹也

民功曰庸

法施於民若后

稷也

事功曰勞

以勞定國若禹也

治功曰力

制法成治若皋陶也

戰

功曰多

克敵出奇若韓信陳平也

五曰議功之辟

周禮八辟也

七曰

議勤之辟

皆謂有功議其罪也

祭於大烝

周禮司勲職云有功者祭于大烝司勲詔

之鄭注云死則于烝先王祭之詔謂告其神以辭也

增申伯之功

詩云申伯之功召伯是營

登是南邦

名偕

禮名與

程功積事

禮記

成績

尚書云王

若曰嗚呼君牙惟乃祖乃父世篤忠貞服勞王家厥有成績紀于太常

子孫不忘

左傳云夫

有勲而不廢有績而載奉之以土田撫之以彝器旌之以車服明之以文章子孫不忘所謂福也

原

士伯之功

左傳云晉荀林父滅潞晉侯賞士伯以衣紵之縣曰吾得狄土子之功也注云邲之敗晉

侯欲殺林父士伯諫而止

狐趙之勲

成季之勲

銘於景鐘

國語

晉以彘季屏其宗使令狐文子佐之曰昔克潞之後秦來圖敗晉功魏顆以其身卻退秦師於輔氏親止杜回

其勲銘於景鐘

祿勲合親

傳

名掛筆

隨何之功

史記云項籍死

天下定上置酒酈隨何之功謂何腐儒隨何曰陛下攻彭城楚王未去能取淮南乎上曰不能何曰何使淮南

至如陛下意是何之功也陛下謂為腐儒何也上曰吾方圖子之功以何為護軍中尉

帶礪之

哲言詳

增圖畫麒麟閣

漢書云宣帝甘露三年單于始入朝上思股肱之義乃圖畫其

人於麒麟閣法其形貌署其官爵姓名凡十有一人首博陸侯姓而不名次張安世韓增趙充國魏相丙吉杜延年劉德梁丘賀蕭望之蘇武皆有功德知名當世是以表而揚之明著中興輔佐列於方叔召虎仲山甫焉

原方面之勲

賈復字君文嘗從帝征伐故少立方面之勲

增圖畫雲臺

後漢書云顯宗追感前世功臣乃圖畫二十八將於南宮雲臺其後又有王常李通卓茂竇融合三十二人

獨有方面功

孔帖云河間王孝恭始隋亡盜賊徧天下皆太宗身自討定無特將專勲者惟

孝恭獨有方面功以自見

或翼或從尸天之功

又云劉裴贊曰觀二子非有踔越之



姿當高祖受命赫然利見於世故能或翼或從尸天之功

獻於社稷

又云貞觀二十三年崑山

道總管阿史那杜爾破龜茲執其王訶利市失畢及其相郡和以歸明年正月辛亥獻於社稷

桑陰

不徒

孔帖云尉遲恭贊曰敬德之來太宗以赤心付之桑陰不徒而大功立

得效尺寸

又云李靖帝將伐遼召靖入謂曰公南平吳北破突厥西定吐谷渾惟高麗未復亦有意乎對曰往憑天威得效尺寸今疾雖哀陛下誠不棄病且瘳矣

凌煙勲臣

呂溫凌煙勲臣贊曰我二后受成命撫昌

運乾坤軸撼乾樞唐莒公劉渝公則大禹之拯溺魏鄭公則臯陶之颺言虞永興則夷夔之制作長孫趙公則周公之匡救英衛則太公之鷹揚房杜則蕭何之指蹤子房之決勝尉遲秦瓊則吳漢之朴忠賈復之雄勇餘皆棖棟殊材黼黻異制其始也文為經武為緯智斯作忠斯述其末也大不偏小不謁退者全來者達

請歷日一卷

冊府元龜曰劉仁軌為簡校帶方州刺史將發謂人曰天將富貴此翁耳於州司請

歷日一卷并七廟諱人怪問其故答曰擬削平遼海頒示國家正朔使夷俗尊奉焉至果以軍功顯

就

松州錄其勞

又云孫仁憲為松州都督開元四年大破吐蕃於城下帝特命御史就松州錄其勞

降書慰勞仁憲及將吏

百僚稱賀

又云肅宗至德二年元帥廣平王收西京甲辰捷書至行

在百僚稱賀

上不疑

孔帖云郭子儀唐史臣裴均稱權傾天下而朝不忌功蓋一世而上不疑

巡扼其東

孔帖云李翰傳張巡功狀表上之曰今陝郊一戰犬羊駭北王師扼其西巡扼其東

此天使巡舉江淮以待陛下師至而巡死不謂功乎

功流社稷

孔帖云李德裕以身扞難功流

社稷功績光明

合璧事類云史大奈等事君皆一其志無有顧望用能功績光明為天子倚信

為國梁楹

孔帖云常張贊曰臯建封本諸生震興田畝間未有以異人及投隙龍驤皆為國梁

楹光奮

持危啓運

又云孔緯累遷尚書左僕射賜號持危啓運保乂功臣

用

一時

沙陀戰

又云范希朝在朔方時招突厥別部沙陀千落衆萬餘有之其後用沙陀戰者所至有功

正法紀功

又云鄭備上疏以為正法紀功則戎行可勸

受尺一之詔盟丈

八之矛

李贊皇一品集賜石雄詔云受尺一之詔盟丈八之矛果然蕩寇眷言勲績深注於懷

獻賊首於行廟

冊府元龜云僖宗中和四年徐州時溥進表行在獻黃巢首級帝獻賊首於行

廟受百僚賀

佐命第一

五代史郭崇韜傳云莊宗與諸將以兵取天下崇韜未嘗居戰陣徒

以謀議居佐命第一之功位兼將相遂以天下為己任

功勲總載三

增詩明魏觀大將軍徐丞相平定中原振旅還朝上御  
龍江亭命儒臣賦詩應制曰白旄黃鉞兩京平甘雨和  
風四海清師出萬全非用武將資三傑在推誠蒼龍挾  
雨迎車騎彩鳳穿雲送旆旌獻頌偶蒙天一笑行看作  
樂著功成

讓功一

原勿伐 無施

老子曰果而不矜果而勿伐  
顏淵曰願無伐善無施勞

莫與爭

不自伐

書汝惟不伐天下莫與汝爭功老子不自伐故有功

馬不進牛

不受

孟之反不伐奔而殿將入門策其馬曰非敢後也馬不進也呂氏春秋子路拯溺人拜之以牛不

受夫子

魯連推

田疇讓

魯仲連推功而去曰所貴天下士者為人排患取之

嘆之

是商賈連不忍為也

魏田疇字子泰從太祖北征為鄉導出盧龍去柳城二百里虜驚大斬獲封為亭侯疇

讓至數四有司劾疇悞懷宜免官公卿議以文子辭祿包胥逃賞傳載其美原思辭粟仲尼不與之子路拒牛

謂之正義疇雖不合大義有益推讓之風宜優其節乃拜議郎

不敢先入 每獨屏

居

傳曰晉師伐齊歸范文子後入武子曰無為吾望爾對曰師有功國人喜以逆之先入者必屬耳目焉是

代帥受名也故不敢武子喜後漢馮異字公孫為將進止皆有所表識每所止舍諸將並坐論功異獨屏居

樹下軍中號  
大樹將軍

有勲不廢宜膺裂地之榮 無功受名

實懼貪天之罪

讓功二

原介推不言

傳

增變何力書何力

左傳云齊師敗績晉師歸卻伯見公

曰子之力也夫對曰君之訓也二三子之力也臣何力之有焉范叔見勞之如卻伯對曰庚所命也克之制也

原陳平辭賞

變何力之有焉樂伯見公亦如之對曰

增諸校力戰

漢書衛青傳云上封青三

平封戶牖侯辭曰非魏無

知安得進乃賞無知也

子固辭謝曰臣幸待罪行間賴陛下神靈軍大捷皆諸校力戰之功也臣青子在襁褓中未有勤勞上裂地封

為三侯非臣待罪行間所以勸士力戰之意也

原勸推不肯

趙充國振旅還所善浩星賜迎

說曰衆人皆以破羌强弩二將軍功多將軍即見宜推功於二將軍充國曰吾年老位極豈嫌伐一時事以欺明主哉兵勢國之大事老臣不明言誰為陛下言者卒以實對

不言自知

賈復字君文未嘗言

功帝輒曰君文之功吾自知之

增未有先登陷陣功

東觀漢記云帝欲封樊興置印

綏於前興固讓曰臣未有先登陷陣之功而一家數人並蒙爵土令天下觖望上嘉興之讓不奪其志

原太祖悅之

魏任城王彰破烏桓太子謂曰卿有功見上勿自伐歸功諸將太祖果悅之

增歸功參佐

魏志王基淮南初定轉基為征東將軍進封東武侯基上疏固讓歸功參佐

原識者尚之

唐彬與王濬共伐吳彬知賊勢已殄孫皓將降未至吳三百里稱疾遲留以示不競

識者尚之

增歸功於下

孔帖云王世充每捷必歸功於下虜獲盡推與士卒人爭為效由是

功最多

未嘗言功

又云姚況性簡退未嘗言功

讓功於晟

唐書李元諒傳

云詔與李晟收京師次滄西元諒先奮鏖賊敗之進屯苑東晟使懷垣以入泚連戰皆北遂大潰京師平讓功

於晟

將士効力

宋史云岳武穆好賢禮士雅歌投壺恂恂如書生每辭官必曰將士効力飛何

有功之

伐功一

原自伐不行

自伐者無功克伐怨欲不行焉可以為仁矣夫子曰可以為難矣仁則吾不

也知

不自尚

焉足驕

禮記君子不自大其事不自尚其功漢伐南越楊僕為樓船



將軍有功後東越反欲復使為其伐前功  
上以書責之曰將軍之功焉足以驕人

銘滅邢

矜平蜀

衛侯燬滅邢同姓也故名禮至為銘曰予掖殺國子莫予敢止注惡其不知恥滅同姓而銘以

伐功也  
鄧艾字士載平蜀多功深自矜伐有識者笑之

伏殺嘔血

拔劍擊柱

晉鄭戰於鐵既戰趙簡子曰吾伏殺嘔血鼓音不衰今日吾上也漢高初未有法度諸將會坐論功相向背

而坐爭功或拔劍擊柱上患之

卻至驟稱

王尊大言

傳卻至驟稱其伐單子曰

卻氏其亡乎位於七人之下而求掩其上怨之所聚亂之本也王尊為京尹行縣上奏曰強不凌弱各得其

所和平之氣通云云御史大夫秦尊大言倨慢坐免

君子稱其功以加小人

小人伐其伎以憑君子

增攻城

啓關

白帖曰蘭相如位在庶頗

上頗曰吾有攻城野戰之功相如徒以口舌而居我上  
吾羞不忍為之下見必辱之相如聞之屈節下車避頗  
頗乃負荆請謝資治通鑑曰賀若弼韓擒虎爭功於  
文帝前弼曰臣在蔣山死戰破其銳卒擒其驍將震揚  
威武遂平陳國擒虎曰臣以輕騎五百直取金陵  
執陳叔寶弼夕方至臣啓闢納之安得與臣比

尉

遲恭以功自負 高崇文恃功而侈

孔帖曰尉遲恭壯  
直頗以功自負

又曰高崇文為京西諸  
軍都統崇文恃功而侈

## 伐功二

原有其善喪厥善 矜其能喪厥功

商書

增救主於車

左傳鐵之戰衛太子曰吾救主於車退敵於下吾右  
之上也郵良曰我兩將將絕我能止之我御之上也

羞與絳灌等

此史記云天子赦韓信罪以為淮陰侯信由

過樊將軍噲噲跪拜送迎言稱臣曰大王乃有臨臣信出門笑曰生乃與噲等為伍

為子求官

白帖云桑弘羊自以為國興完權之利伐其功欲為子弟得官

原駐敵之功

吳全琮與魏王

凌戰於芍陂軍不利魏將乘勝陷五營顧丞與張休奮擊遂駐魏師琮子緒端因拔劍擊退後論功行賞以為駐敵之功大退敵之功小丞休為雜號將軍緒端為偏裨而已

平吳之功

晉書初詔王濬至建

平受杜預節度至秣陵受王渾節度及濬先受孫皓降范通曰卿功美矣旋師之日角中東第口不言平吳功有問者曰聖主之德羣帥之力蘭生下庶頗王渾能無內愧乎濬曰始懼鄧艾事不得不言吾之褊也

增拳毆道宗

冊府元龜曰尉遲敬德貞觀中為右武侯大將軍好訐直又負其功嘗侍宴慶善宮

時有班在其上者敬德怒曰汝有何功合坐我上任城王道宗次其下因解喻之敬德勃然拳毆道宗目幾眇太宗不懌為房李下孔帖云江夏郡王道宗侯君集懌而罷破高昌還頗怨望道宗嘗從容

奏言君集智小大言且為戎首帝問所以對曰見其忌而矜功恥為房李下官尚書嘗鬱鬱不平既而君集反帝笑曰如吾有平蜀功五代史云康延孝蜀平延孝功為多左廂馬步軍都指揮

使董璋位在延孝下然特見重於郭崇韜有軍事獨與璋議而不問延孝延孝大怒責曰吾有平蜀之功公等反俛首郭公之門吾為都將獨不能以軍法斬公耶

## 銘功一

原鑄鐘

刻石

季武子以所得齊之兵作林鐘而銘魯功焉臧武仲曰非禮也夫銘天子令德

諸侯言時計功大夫稱伐今稱伐則下等也計功則借人也言時則妨民多矣何以爲銘且夫大伐小取其所得以作彝器銘其功烈以示子孫昭明德而懲無禮也注云銘銘天子德也下等從大夫故借人借晉力也

車騎將軍竇憲擊匈奴有功登燕然山刻石紀功班固作文

君牙紀

司勲銘

周書

穆王命君牙曰惟乃祖乃父服勞王家厥有成績紀於太常注太常王之旌旗有功者書焉以表顯也下周禮詳功勲

銘之金石

勒於鼎鐘

取其不朽

彝器

景鐘

紀不朽之績 垂無窮之文 勒燕然之石雖表有功

鑄林鐘之銘終爲非禮 宋稱恭儉著考父之銘

衛美勲勞勒孔悝之鼎增畫像

圖形

孔帖曰李勣永徽四年冊

拜司空太宗時勳已畫像凌煙閣至是帝復命  
圖其形自序之又曰郭子儀圖形凌煙閣

博辯

瞻縟

韓愈表曰自古神聖之君既立殊功異德卓絕  
之迹必有奇能博辯之士應時而生持簡操筆

從而寫之然後巍巍煌煌充滿天地孔帖曰權德輿  
其文雅正瞻縟當時公卿侯王功德卓異者皆所銘紀

十常八九

平高昌

擊姚嵩

孔帖曰侯君集高昌平君集  
刻石紀功冊府元龜曰唐

九徵為姚嵩道討擊使中宗神龍三年擊姚州  
叛蠻敗之俘虜三千餘級遂樹碑以紀功焉

駐蹕

安市

揭碑盧龍

冊府元龜曰貞觀十九年帝親征高  
麗次安市城高麗別將高延壽等帥

兵十五萬拒王師大總管李世勣奮擊帝自高峯引軍  
臨之殺獲不可勝數延壽等降因名所幸為駐蹕山刻  
石紀功焉孔帖曰張仲武請以本軍擊回鶻詔拜仲  
武副大使會同鶻逼漁陽仲武使其弟仲至與別將游

奉宸等統兵三萬破之名王貴種相繼降捕幾千人表請立石以紀功帝詔德裕為銘揭碑廬龍以告後世

## 銘功二

增齊岫嶺

蘇軾石鼓詩云憶昔周宣歌鴻雁當時籀史變蝌蚪何人作頌比崧高萬古斯文齊岫嶺

勲勞至大不矜伐文武未遠猶忠厚

原銘鼎

傳宋考父三命益恭故其銘云一命而僂再命而

偃三命而俯循牆而走亦莫予敢侮

勒鼎

孔氏四代有功於衛至孔悝又有功莊公美之勒鼎以旌

也增良金寫狀

越語云吳王使王孫雄行成於越范蠡不報於王擊鼓興師以隨使者至

姑蘇之宮不傷越民遂滅吳乘輕舟浮五湖莫知所之越王命工以良金寫蠡狀以朝禮之決日而令大夫朝

之環會稽三百里以為蠡地曰後世子孫有敢侵蠡之地者使無終沒於越國皇天后土四鄉地主正之

原揚其祖美

禮記曰夫鼎有銘銘者自名也自名以稱揚其先祖之美而著之後世者也為先祖

者莫不有美焉莫不有惡焉銘之義稱美而不稱惡此孝子孝孫之心也惟賢者能之注自名謂稱揚先祖之德而著己

酌之祭器

又曰銘者論其先德善功烈勲勞慶賞聲名列於天

下而酌之於祭器自成其名焉以祀其先祖者也顯揚先祖所以宗孝也身比焉順也明示後世教也是以君子之觀於銘也既美其所稱又美其所為子孫之守宗廟社稷者其先祖無美而稱之是誣也有而不知不明也知而不稱不仁也比三者君子所恥也注酌之於祭器謂斟酌其美著之於鐘鼎也身比焉謂自著名於下也明示後世所以教後世為法

增象拔箭狀

冊府元龜曰丘

行恭為光祿大夫從討王世充會戰於邙山之上太宗與諸騎相失惟行恭獨從尋有勁騎數人追及太宗矢



及御馬行恭乃回騎射之發無不中行恭然後下馬拔箭以其所乘馬進太宗行恭於御馬前步執長刀巨躍大呼斬數人突陣而出入大軍貞觀中有詔刻石為人馬以象行恭拔箭之狀立於昭陵門前 始終

著名

孔帖云秦瓊貞觀十三年改封胡國公後四年詔司徒趙國公無忌等并瓊並圖形凌煙閣高宗永

徽六年遣使致祭凡七人徵士庶瑞志玄弘基世南瓊皆終始著名者也

銘鐵券

又云劉幽求拜

侍中璽詔特免十死銘諸鐵券以傳其功後配享廟廷

贊明厥忠

又云張巡章聖皇帝東巡

過其廟著金石刻贊明厥忠

賜二銘

冊府元龜曰馬燧德宗時與渾瑊同討李懷光懷光平乃

下詔褒美遷光祿大夫是役也帝賜燧宸宸台衡二銘

帝製紀功碑

孔帖曰韋臯封南康

郡王帝製紀功碑褒賜之

刻石水濱

冊府元龜曰李傑為河南尹先是河汴之交有梁公堰年

久堰破江淮漕運不通傑奏調發汴鄭丁夫以濬  
之省功速就公私深以為利刻石水濱以紀其績 帝

親製贊

孔帖云陸堅剛正帝待之甚厚圖形禁中親製贊

銘在鐘鼎

冊府元龜云文

宗太和元年勅故太尉中書令李晟勲業  
崇高銘在鐘鼎其神道碑宜令所司建立

功德被八

州

合璧事類云宣宗與宰相語元和時治民孰第一周  
墀對曰臣嘗守江西帝丹有大功德被八州歿四十

年老幼思之乃詔杜牧  
撰丹遺愛碑以記之

旌功為額

又云皇祐三年詔  
故魏國公曹利用

智畧沉雄猷為敏濟忠謀亮節  
蘊在冊書特立碑以旌功為額

瀚海為鐔

憲章類編  
云永樂八

年二月上親征本雅失里車駕發北京夏四月車駕次  
擒胡山製銘刻石曰瀚海為鐔天山為鏑一掃胡塵永

清沙  
漠

銘功三

增碑唐韓愈平淮西碑曰唐承天命遂臣萬方孰居近  
土襲盜以狂往在玄宗崇極而圯河北悍驕河南附起  
四聖不宥屢興師征有不能尅益戍以兵夫耕不食婦  
織不裳輸之以車為卒賜糧外多失朝曠不岳狩百隸  
怠官事亡其舊帝時繼位顧瞻咨嗟惟汝文武孰卹予  
家既斬吳蜀旋取山東魏將首義六州降從淮蔡不順  
自以為強提兵叫謹欲事故常始命討之遂連奸鄰陰

遣刺客來賊相臣方戰未利內驚京師羣公上言莫若  
惠來帝為不聞與神為謀乃相同德以訖天誅乃勅顏  
脢愬武古通咸統於弘各奏爾功三方分攻五萬其師  
大軍北乘厥數倍之常兵時曲軍士蠢蠢既剪凌雲蔡  
卒大窘勝之邵陵鄆城來降自夏入秋復屯相望兵頓  
不勵告功不時帝哀征夫命相往釐士飽而歌馬騰於  
槽試之新城賊遇敗逃盡抽其有聚以防我西師躍入  
道無留者額額蔡城其疆千里既入而有莫不順俟帝

有恩言相度來宣誅止其魁釋其下人蔡之卒夫投甲  
呼舞蔡之婦女迎門笑語蔡人告饑船粟往哺蔡人告  
寒賜以繒布始時蔡人禁不往來今相從戲里門夜開  
始時蔡人進戰退戮今盱而起左殮右粥為之擇人以  
收餘億選吏賜牛教而不稅蔡人有言始迷不知今乃  
大覺羞前之為蔡人有言天子明聖不順族誅順保性  
命汝不我信視此蔡方孰為不順往斧其吭凡叛有數  
聲勢相倚吾強不支汝弱奚恃其告而長而父而兄奔

走偕來同我太平淮蔡為亂天子伐之既伐而饑天子  
活之始議伐蔡卿士莫隨既伐四年大小並疑不赦不  
疑由天子明凡此蔡功惟斷乃成既定淮蔡四夷畢來  
遂開明堂坐以治之

### 詐功

原差六級

漢書魏尚為雲中守斬首虜上功差六級下獄馮唐言之乃持節赦尚

趙序

詐增

後漢楊徐賊起中郎趙序坐畏懦不進詐增首級徵還棄市

疑兩豪

魏謁者竇林領

護羌校尉治狄道為諸羌所信而滇岸詣林降為下吏欺謬奏上滇岸為大豪承制封義侯明年滇吾復降秦

第一豪俱與詣闕獻見帝怪其一種兩豪疑非實以詰  
林林辭窘乃偽對滇岸即滇吾隴西語不正爾帝窮驗

免官增虜獲魏志文欽數有戰功增虜獲以邀賞增首級又詐增首級檻車徵棄市

石鑒虛張

晉石鑒為豫州虛張首級詔曰田順以詐增虜自殺鑒歸田里

增惟報

孫歆

王隱晉書杜預伐吳軍入樂鄉至都督孫歆帳下生將歆詣預王濬先列得歆頭而預生送歆洛中

大笑謬言破賊孔帖云康承訓字敬辭南詔深入太平裨將陰募勇兒三百夜縋燒蠻屯斬首

五百南詔惡解而去承訓謬言大破賊告於朝羣臣皆賀加檢校右僕射

與巢首俱上

唐書

云黃巢計蹙謂林言曰若取吾首獻天子毋為他人利言不忍巢乃自刎言因斬之函首將詣帥時溥而太原

博野軍殺言與巢首俱上溥獻於行在

篡宗權以來

五代史云龐師古敗時溥於呂梁淮

西牙將申叢執秦宗權折其足將檻送京師別將郭璠  
殺叢篡宗權以來獻梁王遣行軍司馬李璠獻俘於京  
師表郭璠

悉歸功於凝

孔帖云段凝莊宗與梁相距河上梁以王彥章為副是時

末帝昏亂小人張漢傑用事凝依附趙巖等彥章為招討使三日用奇計破唐德勝南城而凝與彥章各自上其功於凝凝因納金巖等求代

### 錫命一

原周禮曰九儀之命正邦國之位一命受職再命受服  
三命受位四命受器五命賜則六命賜官七命賜國八  
命作牧九命作伯 增又曰上公九命為伯其國家官



室車旗衣服禮儀皆以九為節侯伯七命其國家宮室  
車旗衣服禮儀皆以七為節子男五命其國家宮室車  
旗衣服禮儀皆以五為節王之三公八命其卿六命其  
大夫四命及其出封皆加一等其國家宮室車旗衣服  
禮儀亦如之凡諸侯之適子誓於天子攝其君則下其  
君之禮一等未誓則以皮帛繼子男公之孤四命以皮  
帛眡小國之君其卿三命其大夫再命其士一命其宮  
室車旗衣服禮儀各眡其命之數侯伯之卿大夫士亦

如之子男之卿再命其大夫一命其士不命其宮室車  
旗衣服禮儀各眡其命之數 原韓詩外傳曰諸侯之  
有德天子錫之一錫車馬再錫衣服三錫虎賁四錫樂  
器五錫納陛六錫朱戶七錫弓矢八錫鈇鉞九錫秬鬯  
謂曰九錫 周易曰王三錫命懷萬邦也 又曰晉康  
侯用錫馬蕃庶 小雅曰何以予之路車乘馬又何予  
之玄衮及黼 毛詩序曰彤弓錫有功諸侯也 禮記  
曰賜圭瓚然後鬯未賜圭瓚則資鬯於天子 又曰軍

旅鉞鉞者先王之所以飾怒也 尚書曰禹錫玄圭告

厥成功

注禹治水畢堯賜之圭璋以其成功也

增家語曰肅慎氏貢矢

以分大姬配胡公而封諸陳 原尚書曰平王錫晉文

侯秬鬯圭瓚作文侯之命冊曰用賚爾秬鬯一卣彤弓

一彤矢百旅弓百旅矢千馬四匹

九命錫弓矢專征伐

增左傳

曰王使召伯廖賜齊侯命且請伐衛以其立子頹也

原又曰王命尹氏策晉文公為侯伯錫之大輅之服戎

輅之服彤弓一彤矢百旅弓矢千秬鬯一卣虎賁三百

人

注大輅金輅也戎輅戎車也卣器也秬黑黍也鬯香酒所以降神也

增又曰王使劉

定公賜齊靈公命曰昔伯舅太公佑我先王股肱周室師保萬民世胙太師以保東海王室之不壞繫伯舅是賴余今命汝環茲帥舅氏之典纂乃祖考無忝乃舊勲敬之哉無廢朕命 原後漢書曰董昭等欲共進曹操爵國公九錫備物密以訪荀彧彧曰曹公本興義兵以匡振漢朝雖勲德崇著猶稟忠貞之節君子愛人以德不宜如此事遂寢操心不能平會南征孫權彧勞軍於

譙輒表留或 晉中興書曰烈帝冲幼桓溫威震内外  
人情噂噉互生同異謝安與王坦之盡忠匡翼溫諷朝  
廷為九錫使驍騎將軍袁宏具草時溫疾篤以呈安視  
輒云不好更勾改之使彌歷旬日至於溫薨錫命遂寢

## 錫命二

原九命

十錫

周禮九命一命受職謂治職事再命受服謂受祭服三命受位受下大夫之位

四命受祭器五命受則則法也出為子男六命賜官謂子男入為卿治官也七命賜國出就侯伯之國也八命

受牧牧一州也九命作伯謂長也諸侯方伯也蜀志諸葛亮有勸受九錫者亮曰若減魏後十錫可受而况

其九

命為二伯

廼加九錫

周禮大宗伯注

奄受北國

撫征東夏

上毛詩見春秋傳下

錫之山川

分之采物

上魯頌

下見春秋傳

致于渠門

賜之大路

上詳國語下見前一

分以少

皐

封於夏墟

左傳蔡衛爭長子魚曰昔先王選建明德以藩屏周分魯公以大路大旂夏后

氏之璜封父之繁弱因商奄之民命以伯禽而封於少皐之墟又曰分唐叔以大路密須之鼓闕鞏之甲

姓九宗職官五正命以唐誥而封於夏墟

密須之鼓

闕鞏之甲

左傳王謂籍談

曰密須之鼓與其大路文所以大蒐也闕鞏之甲武所以克商也唐叔受之以處參虛

周遷洛

邑方命晉文

漢幸許昌始加魏武

上詳前一魏曹操挾天子幸許昌

始加九錫魏受  
禪追尊武帝

事既行於叔世

禮難議於聖朝

增執玉

合瑞

國語曰襄王使召公過及內史過賜晉惠公命呂甥卻芮相晉侯不敬晉侯執

玉卑不稽首內史過歸以告王曰晉不亡其君必無後且呂卻將不免

左傳曰文元年天王使榮叔來錫公

命杜預注諸侯即位天子錫以命珪合瑞為信

無後

必霸

上詳執玉注國語曰襄王使

太宰文公及內史興錫晉文公命上卿逆於境晉侯郊勞館諸宗廟饋九牢設庭燎及期命於武宮設桑主布几筵太宰蒞之晉侯端委以入太宰以王命冕服內史贊之三命而後即冕服既畢賓饗贈錢如公命侯伯之禮而加之以宴好內史興歸以告

金卮

旃旌

詩曰王錫

韓侯淑旂綏章簞第錯衡玄衮赤寫鈎膺鏤錫鞞鞞淺

幘倅革金卮左傳子魚曰昔武王克商選建明德以

藩屏周分康叔以大路少帛綰茂旃旌大呂殷民七族  
封畛土畧自武父以南及圃田之北竟畔季授土陶叔  
授民命以康誥

一卣

四牡

詩曰釐爾圭瓚秬鬯一卣告於文人錫山土田

而封於殷墟

于周受命自召祖命又曰王錫申伯四牡騶騶鈞膺濯濯王遣申伯路車乘馬

### 錫命三

原命以天子禮樂

禮明堂

得賜天子旌旗

且有後命

賜盧矢敬敷王命以綏四國

左傳

策功以命詩

諸侯獻功於是錫之

詩序

賜冕旒

東觀漢記

經綿禮律為

民軌儀使安職業無或遷志是用錫君大輅勸農務本



畜人昏作粟帛滯積大業惟興是用錫君衮冕之服秉  
國之鈞正色處中纖毫之惡靡不抑退是用錫君虎賁  
之士敦尚謙讓俾民興行少長有禮上下咸和是用錫  
君軒轅之樂研其明哲官才任賢是用錫君納陛以登  
注刻殿基為陛以登取安也翼宣風化遠人革面是用錫君朱戶以

居

注云朱戶赤色也天子之禮也

龍驤虎視旁眺八維掩討逆節折衝

四海是用錫君彤弓一彤矢百盧弓十盧矢千糾虔天  
刑章厥有罪犯闕干紀莫不殛誅是用錫君鈇鉞各一

注鉄鉞皆斧也

温恭為基孝友為德是用錫君秬鬯一卣珪瓚

副焉

注以圭為柄謂圭瓚上漢獻帝加魏公九錫

以

紀綱江外民以安業

是用錫君大輅戎輅務力勸農倉庾盈積是用錫君衆冕之服誠勇並著清除萬慝是用錫君虎賁之士化民

以德教民興行是用錫君軒轅之樂任其才能官方任賢是用錫君納陛以登文和於內武信於外是用錫君

彤弓盧弓顯直錯枉羣善必舉是用錫君虎賁之士

以上

魏文帝加孫權九錫

梟滅凶醜罪人斯得是用錫君鉄鉞各一

晉惠帝  
加齊王

經用道德穆序人倫是用錫君大輅戎輅以

虛受人內外協和是用錫君軒轅之樂德音遠流懷義  
慕化是用錫君朱戶以居誠肅為基恪勤為德是用錫

君秬鬯一卣

以上袁宏撰  
桓溫九錫文

紀綱禮度萬國是式是用

錫公大輅戎輅式遏寇讐清除苛慝是用錫公虎賁之  
士官方任能羅網幽滯是用錫公納陛以登宣美王化  
遠人胥萃是用錫公朱戶以居括囊四海折衝無外是  
用錫公彤弓盧弓明罰卹刑庶獄詳允是用錫公鈇鉞

各一溫恭孝思致虔禋祀是用錫公秬鬯一卣

以上晉恭帝加

劉裕錫

增備九錫

唐書義寧二年正月隋帝詔唐王劔履上殿入朝不趨贊拜不名加前後

羽葆鼓吹三月隋帝進唐王位相國總百揆備九錫唐國置丞相等官立四廟

### 錫命四

原文後漢潘勗策魏武帝九錫命文曰朕以不德少遭  
愍凶越自西土遷於唐衛當此之時危若綴旒宗廟乏  
主社稷無位羣凶覬覦連城帶邑一民尺土朕無獲焉  
即我高祖之命將墜於地朕用夙興假寐震悼於厥心

乃誘天衷誕育丞相保乂我皇家弘濟于艱難朕實賴之今將授君典禮其敬聽朕命昔者董卓初興國難群后釋位以謀王室君則攝進首啟戎行此君之忠於本朝也後乃黃巾反易天常侵我三州延於平民君又討之翦除其迹以寧東夏此又君之功也君有定天下之功重之以明德班叙海內宣美風俗旁施勸教卹慎刑獄敦崇帝族援繼絕世舊德前功罔不咸秩雖伊尹格於皇天周公光於四海方之蔑如也朕聞先王並建明

德祚之以土分之以民崇其寵章備其禮物所以蕃衛  
王室左右厥世也其在周成管蔡不靖懲難念功乃使  
召康公錫齊太公履東至于海西至于河南至于穆陵  
北至于無棣五侯九伯實得征之爰及襄王亦有楚人  
不供王職又命晉文登為侯伯錫以二輅虎賁鉞鉞秬  
鬯弓矢大啟南陽世作盟主故周室之不壞繫二國是  
賴今君稱不顯德明保朕躬奉答天命導揚弘烈綏爰  
九域莫不率俾功高於伊周而賞卑乎齊晉朕甚惡焉

今以十郡封君為魏公錫君玄王苴以白茅爰契爾龜  
用建冢社昔在周室畢公毛公入為卿佐周召師保出  
為二伯外內之任君實宜之其以丞相領冀州牧如故  
又加君九錫其敬聽朕命魏國置丞相以下羣卿百僚  
皆如漢初諸侯之制君往欽哉敬服朕命簡卹爾眾時  
亮庶功用終爾顯德對揚我高祖之休命 魏文帝策  
孫權九錫文曰蓋聖王之法以德詔爵以功制祿勞大  
者祿厚德盛者禮豐故叔旦有夾輔之勲太公有鷹揚

之功並啟土宇并受備物所以表章元功殊異賢哲也  
朕以不德承運革命思齊先代坐而待旦惟君天姿忠  
亮命世作佐深覩歷數達見廢興遠遣行人浮於潛漢  
望風景附抗疏稱蕃忠肅內發款誠外照信著金石義  
蓋山河朕甚嘉焉今封君為吳王使使持節高平侯貞  
授君璽綬策書以大將軍使持節都督交州領荊州牧  
事錫君青土苴以白茅對揚朕命以君東夏今又加君  
九錫其敬聽後命 宋傅亮作宋武帝九錫文曰朕以



寡昧仰續洪業夷羿乘釁蕩覆王室越在南鄙至於九  
江宗祀絕饗人神無位提挈羣凶寄命江介則我宗祖  
之烈奄墜於地七百之祚翦焉莫嗣天未絕晉誕育英  
輔振厥綱維再造區夏興亡繼絕俾昏作明元勲至德  
朕實賴焉今將授公典策其敬聽朕命乃者桓玄肆僭  
滔天泯夏拔本塞源顛倒六位庶寮俛首四方莫卹公  
精貫朝日氣凌虹霓奮其靈武大殲羣醜克復皇邑奉  
帝歆神此公之大節而始於勤王者也授律羣后泝流

長驚薄伐崢嶸獻捷南郢大憇折首羣逆夷殄三光旋  
照舊物反正此又公之功也公有康宇內之勲重之以  
明德爰初發迹則奇謨冠世電擊彊妖則鋒無前對聿  
寧東夏大造黔首辨正方位納之軌度蠲削煩苛較若  
畫一淳風美化盈塞區宇雖文命之東漸西被咎繇之  
邁於種德何以尚茲朕聞先王之宰世也庸勲尊賢建  
侯祚土褒以寵章崇其徽物所以夾輔皇室外隆蕃屏  
故曲阜光啟遂荒徐宅營丘表海西履有聞其在襄王

亦賴匡霸又命晉文備物九錫惟公道冠前烈勲高振古而殊典未加朕甚膏馬今進授相國

原表魏武帝讓九錫表曰臣功小德薄忝寵已過進爵益土非臣所宜九錫大禮臣所不稱惶悸怔營心如炎灼歸情寫實冀蒙聽省不悟陛下復詔褒誘諭以伊周未見哀許臣聞事君之道犯而勿欺量能處位計功受爵苟所不堪有殞無從加臣待罪上相民所具瞻而自過謬其謂臣何 梁江淹為齊高帝讓相國齊公九錫

表曰臣聞日月權輿二儀所以克靈君臣設極三統所以式固惟生與位謂之大寶是以二周之始珪河逾廣兩漢之初封賞彌盛然表東海者實牧野之日瞻魯邦者乃負圖之辰若乃衣裳之會九合一匡猶慚於斯禮也臣實鄙才靡識大體徒以忠貞為槩而勞不足銘雖以丹素為誠而功無可勒 又表曰御龍勤夏未聞冠俗之爵大彭翼商豈見超世之典况呂梁不鑿而器重玄珪越裳未獻而賦擬千乘鏡前脩而慚形覲往德而

聳慮也

賞賜一

原初學記曰說文曰賞賜有功也賜也者命也

見鄭玄禮記注

惠也

見何晏論語注

書曰德懋懋官功懋懋賞

又曰用命

賞於祖不用命戮于社

又曰功多有厚賞弗迪有顯

戮春秋傳曰古之理人者勸賞而畏刑卹人不倦賞

以春夏刑以秋冬將賞為之加膳加膳則飫賜此所以

知其勸賞也

禮記曰天子賜諸侯樂則以祝將之賜

伯子男樂則以鼗將之

將謂執以致命  
祝鼗皆以節樂

諸侯賜弓矢然

後征賜鈇鉞然後殺賜珪瓚然後鬯

又曰君賜車馬

乘以拜賜賜衣服服以拜賜君未有命弗即乘服凡賜

君子與小人不同曰此賞賜之義 增白虎通曰能安

民故賜車馬以著其功德安其身 合璧事類曰天有

雨露生育萬物聖人體之則有慶賞之賜焉是理也見

於虞則五服五章而為命德之天見於周則於馭群臣

之幸而為詔王之柄古人之意蓋以慶賞不體於天則

不得謂之公恩賞不本於天子則不得謂之出於一

賞賜二

增玉海曰叔孫通起朝儀賜金五百斤 又曰夏侯勝  
撰尚書論語說賜黃金百斤 漢書曰八十九十禮有  
加賜玉杖長尺端以鳩鳥為飾 玉海曰疏廣為太子  
太傅乞骸骨賜黃金二十斤皇太子贈以五十斤 又  
曰桓榮為博士入會庭中詔賜奇果受者皆懷之榮獨  
手捧帝曰真儒生也 又曰魏文帝以楊彪為太尉彪

辭乃受光祿大夫賜几杖衣袍朝會引見令彪著布單  
衣鹿皮冠杖而入待以賓客之禮 魏書高允傳曰太  
和二年告歸明年賜蜀牛一頭 又曰周武帝以于謹  
為三老賜延年杖 冊府元龜曰高祖武德元年太宗  
降薛仁果帝聞而太悅因置酒高會奏九部樂賜群臣  
錢各有差 唐書曰秦王為皇太子授尉遲敬德左衛  
率賜絹萬匹又舉齊府金幣什物賜焉 孔帖曰裴寂  
武德四年改鑄錢賜一鑪得自鑄 冊府元龜曰陸德



明武德中為太學博士高祖幸國子學徐文遠誨孝經  
沙門惠乘誨般若經道士劉進喜誨老子詔德明難此  
三人德明雅有詞致論難逢起三人皆為之屈高祖曰  
德明可謂達學矣賚帛五十匹又曰長孫無忌為司  
空太宗追思王業艱難佐命之力乃作威鳳賦以賜焉  
又曰李綱貞觀四年拜太子少師時綱有脚疾不堪  
踐履太宗特賜步輿令綱乘至閣下數引禁中問以政  
道孔帖曰貞觀五年獵於驪山賜新豐高年帛玉

海曰中宗置脩文館學士凡天子享會游豫得從春幸  
梨園賜細柳圈夏宴蒲陶園賜朱櫻秋登慈恩浮圖獻  
菊花酒稱壽冬幸新豐賜浴湯池給香粉蘭澤 唐書  
曰李元紘開元初戶部侍郎條正得失帝才之謂可丞  
輔賜衣一稱 冊府元龜曰帝處厚路隋並為翰林侍  
講學士長慶三年撰六經法言二十卷表獻之帝覽其  
書稱善者久之賜錦綵二百匹銀器二事 又曰李載  
義為幽州盧龍軍節度副大使文宗太和三年命中使

以白玉帶就幽州賜之示殊恩也 唐書曰牛僧孺復

檢校司空兼平章事襄州刺史山南東道節度使辭曰  
賜觚散鐳勺等金銀古器令中使諭之曰以卿正人賜  
此古器 冊府元龜曰後唐明宗即位命節度使王晏  
球與護駕親軍都指揮使張虔釗攻定州帝令中使押  
御馬二匹賜晏球虔釗 又曰周世宗顯德三年上於  
金祥殿賜陳州節度使向訓襲衣金帶銀器繒帛鞍馬  
賞西征之功也 翰苑新書曰李彝興夏州人太祖方

事征討彞興貢馬二百匹太祖命玉工治帶名其使問  
彞興腰圍大小遂遣使以帶賜之 玉海曰建隆元年  
長春節賜羣臣衣各一襲宰相率百官上壽賜宴相國  
寺 翰苑新書曰太宗嘗草書經史三十紙刻石模印  
詣名山藏之或丘園養素好古博雅之士亦賜之 山  
堂考索曰端拱二年親試進士陳堯叟等並賜及第上  
作脩身箴賜之勉以脩身謹行稽古效官之意 玉海  
曰祥符二年內出太宗鏤文紅管筆分賜王旦等人一

雙長編曰真宗作歌一首賜新授翰林學士兼龍圖

閣學士陳彭年謂向敏中等曰頃命學士罕曾賜歌詩

因曰彭年詞學優長擢居清近久益慎密多聞好學鮮

有偕者山堂考索曰寶元二年十一月遣內侍就輔

臣第賜御飛白書各一軸事畧曰賈黃中兩受詔知

貢舉多簡拔寒畯號為無私又掌吏部選事品藻精當

上益知其才拜給事中參知政事召見其母王氏賜坐

與詔曰教子如此今之孟母也賦詩以美之賜予甚厚

玉海曰治平三年召學士王珪至蕊珠殿特詔中書  
除端明殿學士賜盃龍金盃曰知卿忠純有守故有此  
賜 翰苑新書曰紹興四年遣劉大中等使宣諭諸道  
以詔書御寶賜手歷 山堂考索曰紹興五年九月賜  
趙鼎御書尚書 玉海曰紹興十三年立春節學士院  
始進帖子詞百官賜春幡勝自建炎以來久廢至是始  
復 名臣言行錄曰范成大孝宗朝召起知福州既出  
關賜藥物甚厚又賜御書蘇軾詩二首 翰苑新書曰

孝宗御書賜殿帥以下又書明良慶會閣字賜史官

### 賞賜三

原千鍾

萬畝

家語曰自季孫之賜我千鍾也而交益親也史記曰趙烈侯好音鄭歌者二

人賜之田萬畝

金鈎

玉玦

東觀漢記楊賜以病罷居無何拜太常詔賜御府衣一襲自所

服冠幘綬玉壺革帶金錯鈎佩謝承後漢書曰馮魴為侍中稍遷衛尉尉能取悅當時為安帝所寵帝幸其府

留飲十日賜駭犀玉具綬佩刀紫艾綬玉玦

紫綬

青裘

上見玉玦注葛洪西京雜記

成帝好為蹴鞠羣臣以蹴鞠勞體非至尊所宜帝曰朕好之可擇似而不勞者奏之家君作彈碁以獻帝大悅

賜青羔裘紫絲履服以朝覲

累千

鉅萬

漢書曰衛青姊子夫得入宮幸上青時給事建

章未知名武帝於是召青為建章監侍中及母昆弟貴賞賜數日間累千金魏志曰明帝常夢見太后於是

差次舅氏親疎高下叙用各有差賞賜鉅萬

甘田

蘇宅

史記甘羅謂文信侯曰借臣車

五乘請為張唐先報趙趙文信侯乃言之於始皇使於趙趙襄王郊迎甘羅說趙攻燕得上谷三十城令秦有十

一甘羅還報秦乃封羅以為上卿復以甘茂田宅賜之漢書曰蘇武初從匈奴還詔拜典屬國中二千石賜

錢二百萬公田二頃宅一區

后衣

帝服

東觀漢記曰永平三年上賜東平王蒼書曰歲

月驚邁山陵寢遠孤心慘愴今送光烈皇后假紵帛巾各一及衣一篋可時視瞻以慰凱風寒泉之思曹植

表稱詔曰皇帝問雍丘王先帝昔常非漢世諸帝積貯衣被使敗於函篋之中遺詔以所服衣被賜公王卿官

僚諸將今以三十種賜王

雙璧

千金

史記曰虞卿者游說之士躡屣擔簦說趙孝成王一



見賜黃金百鎰白璧一雙再見為趙上卿故號曰虞卿  
漢書曰梁孝王招延四方豪傑齊人公孫詭多奇邪

計初見日王賜千金官至中尉

明德

計功

管子曰明賞不費明刑不暴賞罰明德之至也

淮南子曰忠臣之事君也計功而受賞不為苟得量力而受官不貪爵祿其所能者受之勿辭也

玉

壺

金筥

鮑德有詔所賜鮑德有詔所賜

張衡綬筥銘序曰南陽太守銘曰懿矣茲筥

爰藏寶神金纓組履文章自信

金刀

珠劍

謝承後漢書曰武陵五溪蠻夷作難詔遣車騎

將軍馮緄南征緄表應奉金錯刀一具

書曰太宗為徐州刺史昭太后賜以火珠鹿盧劍

府

賦

國典

周禮大府以幣餘之賦以待賜予夫賞國之典也藏在盟府不可廢也

傳

雙

琥

千金

魯昭公疾賜子家子雙琥一環一璧輕服公薨子家子反賜於府人曰吾不敢逆於君命

魏志太祖其有勲勞不吝千金無功妄施分毫不與

不及

無章

史記晉文公賤臣壺

叔曰君三行賞賞不及臣公曰導我以仁義防我以德惠以此上賞輔我以行次賞矢石之難汗馬之勞次賞

若以力事我三賞之後而及子晉人聞之大悅賞罰無章何以沮勸

勸能

受賜

善則

賞之以勸能者民到於今受其賜

見施

拜貺

見爵賞之施賜賜也

慶賞

寵錫

慶賞刑威曰君

與邑

賜馬

記曰柳莊死公曰非寡人之臣社稷之臣也與

邑襄氏與縣潘氏書而納諸棺王王皆賜馬三匹非禮也名位不同禮亦異數

受北

國啟南陽

毛詩曰其追其貊奄受北

國鄭玄注韓侯

受北方之國也陽樊溫原攢茅之田晉於是始啟南陽

左傳曰晉侯朝王與之

馭其幸

示不欺

周禮太宰以八柄馭羣臣三曰予以馭其幸注幸謂言行偶合於善則有以賜予之以勸後也

史記商君變法恐人未信乃立木於市南門募人徙至北門者與五十金有一人徙之遂與五十金以示其

不欺也

旌有勲

賞善謀

傳夫有勲者旌之以車服齊侯皆斂諸大夫之軒惟邪

意茲乘軒賞其善謀

匪頒之式

報功之典

以九式均節財用八曰匪頒之式式

謂財用之節度也匪分也頒賜也謂分賜羣臣夫德不旌則勸善之道缺矣勤不賞則報功之典廢矣

大賚四海

善賞一人

書大賚四海注賚賜也文子曰善賞者費少而勸多故聖人

賞一人而天下趨之是以至賞不費也

大利小利

上賞次賞

禮記曰事君大

言入則望大利小言入則望小利言謂立事者也利祿賞也下詳上不及注

射覆賜帛

降胡賜縑

東方朔射覆中之賜帛也後漢賜降胡縑孫章誤以十為千

臣節貴忠

國章懋賞

賜表主恩

拜明臣禮

不酬奉上之

勤何勸將來之善

有功不賞為善失其望

奸邪

不誅為惡肆其凶

授彤弓於晉文嘉乃不績

錫玄

圭於夏禹告厥成功

增繒綵

香藥

冊府元龜曰武德三年太宗平

并州悉復故地帝大悅置酒含章殿羣臣極歡遣入御府賜繒綵

又曰羅周翰紹威子也為魏博節度使太

祖乾化二年帝北巡至昌樂縣周翰來見於行宮及辭歸詔以良馬玉帶及香藥賜而遣之

羶被

布衫

冊府元龜曰高宗顯慶二年辛雒陽宮宴從行文武官詔百歲已上各賜羶被一具袍一領綿

絹十段粟二十石

又曰晉少帝天福八年幸南莊宣隨駕臣僚射於後園賜酒食物帛有差汭路農人各賜

布衫袴并鞋貧子共賜錢一十貫文

司裘

藏袴

周禮曰天官司裘季冬獻功裘以待頒賜

注功裘人功微麓

資治通鑑曰韓昭侯有敝袴命藏之曰待有功者賜之

金刀

玉斧

削刀

徐齊聃字將道八歲能文太宗召試賜所佩金冊府元龜曰王建立為青州節度使晉高祖天

福五年入覲進封韓王高祖御明德樓餞送赴鎮賜玉斧蜀馬

蒲陶

牡丹

唐書曰陳叔達

賜食得蒲陶不舉歸奉母因賜之天聖中晁迥除翰林學士嘗夜召對上令內侍執御前

合璧事類曰仁宗

巨燭送歸院他日曲宴出牡丹千葉者賜宰臣上顧迥與學士錢維演亦皆賜之

赤管

紫

盼

玉海曰漢制尚書郎作文書起草月賜赤管大筆一雙隃麋墨一枚唐書蕭嵩傳曰荊州進黃柑帝以

紫粉包  
賜之

唐詩

周易

山堂肆考曰哲宗元祐時以御書唐人詩賜范祖禹等各一首

詩

又曰寧宗嘉泰初御書尚書說命毛天保周易泰卦唐七德舞以賜臣下

閱音義

讀

實錄

冊府元龜曰貞觀十六年太宗閱陸德明經典音義美其弘益學者歎曰德明雖亡此書足可傳習

因賜其家布帛百匹  
三百匹細馬一匹

又曰岑義睿宗時遷侍中賜物帝讀中宗實錄以義有功故有此命

獨見公

常念卿

冊府元龜曰太宗貞觀四年賜房玄齡黃銀帶謂玄齡曰如晦與公

同輔朕今日所賜惟獨見公因泣然下泣以黃銀辟惡恐為鬼神所畏令取金帶遣玄齡親送於靈所又曰

貞元十一年以前太子賓客李愿為左領軍大將軍李憑為右威衛大將軍皆太尉晟之子以免喪故召見於

延英殿帝曰朕雖在此常念卿等追懷舊勲何日忘之各賜衣一襲帛三十匹

知勁草

沉

洪源

冊府元龜曰蕭瑀武德初為內史令後拜特進參預政事嘗因賜宴太宗賜詩曰疾風知勁草板蕩

識誠臣

又曰戴至德為戶部尚書郝處俊崔知悌為

中書侍郎

李敬元為吏部侍郎並同中書門下三品咸

亨五年八月

御札飛白書贊以賜至德詞曰汎洪源俟

舟楫處俊曰

飛九霄假六翮敬元曰資啟沃罄丹誠知

悌曰竭忠

節贊皇猷

撰政要

刊經籍

冊府元龜曰魏徵為秘書監撰羣書政要太宗

覽之稱善

賜帛二百匹又曰顏師古為中書

侍郎受詔刊

正經籍太宗善之賜帛五十匹

陳孝

經

誨禮記

冊府元龜曰趙弘智為陳王師永徽二年高宗命弘智於百福殿誨孝經帝謂弘智

宜畧陳此

經要道以補不逮對曰昔者天子有爭臣七

人雖無道

不失天下微臣顓愚願以此獻帝悅賜絹二

百匹名馬一匹

又曰褚元量為國子司業睿宗太極

元年皇太子

幸國學觀釋奠令元量誨孝經禮記博而

且辨觀者歎服既畢賜以章服并綵絹百端

解醒具

親征圖

孔帖曰李嗣業入朝

於玄宗前醉起舞帝寵之賜錢十萬為解醒具冊府元龜曰周世宗顯德四年賜宰臣李穀親征圖一面其

文翰林學士承旨陶穀之所撰也先是帝征淮揚穀上章陳親征之利者三

麟角筆

龍

腦帶

王海曰麟角筆管武帝以賜張華冊府元龜曰梁太祖開平元年帝以羅紹威近年以來貢輸極

煩倍於諸道賜以南越所貢珍珠枕龍腦香

白羽扇

紅管筆

王海曰開元二十四

年盛夏賜宰相白羽扇張九齡作賦曰蕭蕭白羽穆如微風綴秋氣之移奪終感恩於篋中司馬光進通鑑

表曰先帝賜御府筆墨光有囊貯紅管筆一枝實治平中賜物

墨百挺

冰十匣

王海

日雍熙三年錢俶進草書絹圖二墨詔獎諭賜玉硯金匣副之龍鳳墨百挺紅綠筆百管盈丈紙百軸又一



日景德四年賜編脩君臣事迹官永十匝以暑盛特賜之

子儀傳

嚴武詩

山堂肆考

日韓世忠兩鎮節鉞高宗手書郭子儀傳賜之又曰理宗端平中書唐嚴武詩及鶴山書院四字賜魏了翁

世勛墜馬

仁貴射甲

冊府元龜曰李世勛為司空常侍從墜馬帝親問以所乘

馬賜之又曰薛仁貴領兵擊九姓突厥於天山將行高宗內出甲令試之仁貴射五重高宗大驚更取堅甲

以賜

乘馬錫韓

輅服賜晉

詩韓奕篇曰其贈維何乘馬路車左傳曰王

賜晉侯大輅之服

加寵勲舊

特賜賢勞

翰苑新書宋高宗朝上曰宜加寵劉

光世功臣服未嘗忘聞其病中無聊以玩好物數種賜之光世大喜秉燭夜觀至四更朕於玩好之物未嘗經

目止要賜勲舊賢勞耳

名臣言行錄曰范成大孝宗朝帥江東兼行宮留守陞辭特設几開宴酒三行命內

侍捧縑素來上有石湖二大字御墨尚濕公拜賜上勞  
公曰卿南至桂廣北使幽燕西入巴蜀東薄鄞海可謂

賢勞

顯忠尚德

貴老優賢

治跡統類曰元祐間詔賜  
富弼神道碑以顯忠尚德

為額

又曰元祐二年詔賜文彥博呂公著

今後入朝  
凡有拜禮並宜特免翰林蘇軾奏彥博公著免拜指揮

自是朝廷貴老  
優賢無可議者

注後漢書

進廣孝經

冊府元龜曰  
張大安為太

子左庶子初皇太子賢招集當時學者大安及洗馬劉  
訥言雒州司戶參軍格希元等注范後漢書表上之

賜物三百段仍以其書付秘閣

又曰沈浩隱居四明

山肅宗乾元二年進廣孝經十卷授秘書郎仍賜綠袍

牙笏

不以為嫌

故有此賜  
玉海曰開寶元年董遵誨  
為通遠軍使遵誨嘗遣外

弟劉綜來貢馬及還上解所服真珠盤龍衣使齎賜之  
綜曰遵誨人臣豈敢當此賜上曰吾委遵誨方面不以

此為嫌也  
見前二玉海

御製寵太尉

親札賜丞相

冊府元龜曰李

光弼兼幽州大都督府長史出統河南諸軍及收復懷州以功進爵臨淮郡王俄拜太尉內殿宴送御製詩以

寵之

又曰宋璟開元中為尚書右丞相與張說源乾曜同日拜官勅太官設饌太常奏樂於尚書都省大會

百僚立宗賦詩  
褒述親札賜之

侍玉皇

賜金器

談苑曰李文正公昉太宗遇之甚厚

年老罷相每賜宴必先赴座嘗獻詩曰微臣自愧頭如雪也向鈞天侍玉皇  
翰苑新書曰蘇易簡在翰林太

宗一日召對賜酒甚歡上曰君臣千載遇易簡應聲曰忠孝一生心太宗大悅以御席金器盡賜之

賞賜四

原作樂命夔

舜命夔作樂以賞諸侯

賞延于世

世嗣也

分寶玉

周書分寶玉于伯叔之國時庸展親伯叔同姓之國也庸用也

王之好賜其其貨賄

周禮注言合於善有以賜之

受服

大宗伯以九儀之命再命受服

掌賞地

周禮司勳

掌賞地以等其功等差也

頒賞地

凡頒賞地三之一食凡賞田王食其一而臣食其二

加

田無征

惟加田無國征征稅也謂既賞之又重賜之若此田則無王稅也

不及車馬

為人子者三賜不及車馬注三命受車馬車馬所以尊者備矣

禮無不答

禮記曰臣下竭力盡

能以立功於國君必報之以爵祿故曰禮無不答言上之不虚取於下也

賞無不當

慶賜

遂行無有不當

不賞而勸

禮

競勸於賞

賞樂

禮記曰天子之為樂

也以賞諸侯有德者也

酒肉不再拜

禮記曰酒肉之賜不再拜受而已不重拜於室輕也

報功慶賞禮

何以勸善 無以勸能 賞恭罰否

賜許男駿馬十六 賜黃金之罍二 九銀鳥一隻 貝

帶五十珠 七百裏

穆天子傳

信賞

管子開必得之門信慶賞也

賞懼

及淫

聲子曰善為國者賞不僭賞僭則懼及淫人若不幸而過寧僭無濫

有勲者奉

夫

勲者奉之以土田奉賜也

撫以彛器

傳夫有勲者撫之以彛器注撫投也

賞不失

勞傳

賜有金石

禮大夫有功賜樂故傳云魏絳始有金石之樂禮也

天賜

示賞

賞之曰發公室示賞也出賞物也

時頒

以時頒賜之

賜玉五穀

春秋

號公晉侯朝王皆賜玉五穀

賜以甘果

吳越春秋

賜錢百萬起師侍

之思 賜叔孫衣

漢書秦二世賜叔孫通帛二十四衣一襲

賜金具在

漢王

讓陳平曰先生事魏不忠事楚而去今又從吾游信者固多心乎平曰魏王不用臣說故去云云臣計畫可採

願用之若不可大王所賜金具在請封輸官得請骸骨漢王深謝之

賜張武錢

漢張武為郎中

令受金錢覺之文帝更發御府金錢賜之以愧其心不下吏也

周勃身入北軍賜金

五十斤 賜珠三升

黃霸治政有異賜金百斤

漢書

伏日賜肉

漢書伏日詔賜從官肉東方朔拔劍割肉去詔令自責

延年老乞賜

骸骨賜安車駟馬

賜靈壽杖

漢書 賜劍具在

史衛綰上賜之

劍綰曰先帝賜臣劍凡六不敢奉詔上曰猶至今乎綰曰具在上使取劍常盛未嘗服也

賜爵一

級百戶牛酒 八十以上賜米肉 九十已上賜帛絮

賜孝悌帛

賜鰥寡絮

並漢書

賜延年杖

續漢書

賜

食於家

漢書

賜龍州口

漢書

霍光薨賜繡被百領

東觀

雋不疑遷京兆尹賜錢百萬

漢書

上器其能賜以祕書

之副

漢書云

賜璽金劍

漢書

給錢五萬

揚雄答劉歆書

賜所

乘驪馬

後漢世祖以所乘大驪馬賜李忠

賜竽瑟篪

班彪上事

馬援

振旅京師賜車一乘

東觀

賜公主錢

後漢明帝時館陶公主為子求郎不

許而賜錢百萬

賜千斛穀

後漢章帝下詔寵褒毛義賜穀千斛

著劍名

韓棱字伯

師與邳壽陳寵皆以才能稱肅宗嘗賜諸尚書劔惟此  
三人特以寶劔手著其名曰韓棱楚龍泉邳壽蜀漢文  
陳寵濟南  
推成也  
韓棱憂國忘家賜布三百匹後漢本傳棱數月不休沐

賜來歙妻縑千匹 致宛馬一匹並東觀 賜以素矢

皇甫班賜羣臣鍾離意傳 卓茂束身執節賜安車一乘東觀

卓茂自脩賜衣一襲漢書 杜林私見乃賜衣被後漢書

朱寵家貧賜以錦被謝承後漢書 馮緄平荊州賜錢百

億謝承後漢書 段熲滅羌賜錢千萬 張酺為東郡守賜

錢三十萬 黃香詣東觀賜淮南孟子 詔賜黃香几



杖馬嚴病并送方藥 王景治浚儀賜山海經河渠

書

孟東觀

陳車馬

桓榮字春卿為太子少傅賜以輜車乘馬榮大會諸生陳其車馬印綬曰

今日所蒙稽古之功可不勉乎

賜及妻子

特賜御東觀

賜御府衣

續後漢書

賜衣自服冠幘

賜食於前

解左驂以賜

賜乘輿具劔

賜辟兵鉤

賜鹿蠡王羽車一駟

東觀

遺楊彪室韠一量

魏志

賜桃枝

魏武帝

賜樂比絳

魏志

賜夏侯惇樂比之魏絳

賜十鈴

魏武

賜穀千斛以親舊也

魏志

賞為金穴

郭況為大鴻臚賞賜金錢錦帛豐盛無比京師號況家為金穴

賜明光

鎧曹植

賜邁越縐縠

曹植表

賈逵奏左氏義賜布五百

匹

三輔決錄云

得生口

魏華歆字子魚公卿嘗並賜沒入生口歆得而嫁之帝歎息孫盛曰

孥戮之家國刑所肅歆獨為君子云云

賜素屏風

魏志太祖平柳城頒所獲器特以素屏風

憑凡賜毛玠曰以君有古人之風故賜以古人之服

詔賜御衣質

解所御袍

賜之

魏畧

賜蜀千張

銅鏡百枚

魏志

夫賞賜者以悅

下使衆

桓範世要論

御府供給

桓階別傳

桓階長者齋衣三

十囊

階傳云

特為張遼母起殿

魏志

郭修手刃蜀將賜

銀千餅

魏志

賜魯肅母帷帳

吳志

南至賜餅

杜預表

賜

張華絹

文士傳張華以平吳之計賜絹萬匹

賜驄馬一匹

殷仲堪表

給山

濤母米酒

山濤表

賞不踰時

傳咸陳事

給周處母醫藥

周處賜朝服一具

王隱晉書

劉超病給四順湯

劉超表

詔

賜竒果

嶠華

巫水不肯飲

卞蘭苦痛渴時帝信巫女用方使人持水賜蘭蘭不肯

飲曰治病自以方藥何信於此帝為變容蘭渴甚至於死

賜鶴綾袍

四王遺事

黃白

氣出張天子賜諸侯

黃白氣入心天子受賜

黃白

氣入張天子賜口

黃赤氣入張天子賜客

已上並雜氣經

悉賜有功

魏書

賜千田以明儉約

魏書

賜二窖穀

魏書表

渙字耀卿為郎中令卒太祖為之流涕賜穀二千斛一  
教云以太倉穀千斛賜郎中令一教云以垣下穀千斛  
與耀卿家外不解意教曰以太倉  
穀者官法也以垣下穀者親舊也 增賜御膳冊府元

高祖時裴寂為尚書右僕射賜以服玩不  
可勝記仍詔尚食奉御每日賜寂御膳

賜錦袍云

陸長遜武德初為五原太守及征薛舉長遜  
不待命而至以功拜豐州總管賜以錦袍

賞緋紫

必兼魚袋

唐書云中書令張嘉貞奏致仕者佩魚終  
身自是百官賞緋紫必兼魚袋謂之章服

御筆一管

玉海云德宗賜  
渾瑊御筆一管

解衣衣之

又云陸贄在翰  
林帝親倚至解

衣衣

行列有序

唐會要云德宗詔頃來賜衣文采不  
常非制也節度使宜以綴帶取其武

穀以靖封內觀察使宜以雁銜威儀  
取其行列有序冀牧人有威儀也

賜通天御帶

韓愈

平淮西碑云帝曰度汝其往衣服飲食予士無寒無飢以既厥事賜汝節斧通天御帶衛卒三百

賚

獎優華

孔帖云李德裕字文饒數召見賚獎優華

賜茶

玉海云韓偓金鑾密記翰林當直學

士春曉則日賜成象殿茶

作詩贈及第

事文類聚宋太宗好文進士及第賜聞喜宴嘗作詩

贈之景祐間因以為故事仁宗在位四十二年賜詩尤多

笏頭帶

東齋記事云毬路金帶俗謂之

笏頭帶非二府文臣不得賜武臣得賜出於特恩爾

賜輔臣

春明退朝錄宋太宗製笏頭帶以賜

輔臣罷尚服之張文節自中丞而參政姜侍郎自諫議而樞密並賜笏頭帶

文行忠信

山堂

肆考云夏竦為平章事臺諫交言其非改樞密使上親隸乘險二字賜之竦得二字憂懼既又賜文行忠信四

竦字以勉之

賜端石硯筆墨

玉海云紹興六年賜張浚古端石硯筆墨

賞賜五

原詩隋許善心奉和賜詩曰帝道屬升平天文預觀象  
茲生荷化育博施多含養正始振皇風端居留眷想夕  
拜參近侍朝恩濫弘獎溫樹貴不言克艱庶無爽、唐  
太宗賜房玄齡詩曰太液仙舟迴西園隱上才未曉征  
車度雞鳴關早開 又賜蕭瑀詩曰疾風知勁草昏日  
辯誠臣勇夫安識義智者必懷仁 增明高啟謝賜衣  
詩曰臚呼遙捧賜拜服望蓬萊香帶爐煙下光迎扇月

開竒文天女織新樣內家裁被澤徒深厚慚無奪錦才  
原制唐中宗賞張仁愿制曰朕聞將帥興功本期於邦  
國帝王懸賞用答於疇庸持節朔方道大總管右屯衛  
大將軍張仁愿器宇端雅風神秀傑謀韜玉帳寄重金  
壇故得累司文武歷參邊鎮薊門作牧既無東顧之憂  
榆塞總兵方釋北來之慮而乃躬先士卒負土築城橫  
却月於天街劃長雲於地脉宜列河山之賞式宗帶礪  
之榮進封韓國公賜物三百段及衣裳一副

原勅唐中宗賜成王千里衣物勅曰晝巡周衛夜警巖  
廊既曰爪牙實稱心腹左金吾衛大將軍成王千里聲

高沛獻德邁二南以磐石之崇班當執金之重寄察姦  
無對討猾若神固以威動千廬勤宣五校近者衙仗之  
內輒有詐偽之人曾不斯須遽令擒獲能官之目久已  
馳芳稱職之名從茲著號可賜衣一副兼賜物一百段  
增表唐李嶠為納言姚璹等謝勅賜飛白書表曰跪承  
寶貺仰戴瓊文如披七曜之圖似發五神之檢九霄靈



澤與垂露而同沾千載嘉祥與迴鸞而並集冠六文而  
首出掩八體而孤騫眇乎若遊霧之拂春林靄乎似輕  
雲之上秋漢工踰懸帳妙盡刻符鍾繇竭力而難比伯  
英絕筋而不逮則知乃神乃聖包衆智而同歸多藝多  
才總羣方而兼善臣等才埒瓶甯任叨衡石慶方行而  
已及澤未溥而先加殊恩與骨肉等深縟禮共衣冠相  
絕今復親陪睿賞特流宸翰羸氏之魂遊天上未比起  
昇闕生之名在月中詎方遐邈昔者韓稜深博肇蒙於

署劔田鳳名流僅聞於題柱未有芝英草聖近縟於綵  
牋合璧連珠俯光於掌握 令狐楚謝賜春衣并尺表  
曰臣聞衣裳在笥與必有道刀尺為器用惟其人臣魯  
國小儒漢庭下士因緣霈澤汙染官牒顏嘗忍愧心不  
容憂陛下仁發於中惠周於外矜臣以濕暑之患賜之  
葛衣念臣無忖度之能降其實尺輕新有楚廣狹不踰  
被服而炎蒸坐銷秉持而長短立辨揆才量力將何補  
於分寸運肘延頸實有塵於領袖

增狀唐白居易謝恩賜衣服狀曰臣自入禁司纔經旬  
月未申薄効累受殊私況前件衣服等獻自遠方降從  
御府既鮮華而駭目亦輕煖而便身臣實何人堪此榮  
賜必擬祕藏篋笥傳示子孫何則顧陋質而懷慚貌非  
稱服撫微軀而荷寵力不勝衣 李商隱為滎陽公謝  
賜冬衣狀曰司服頒衣貴臣傳詔綾裁飛鵲絮裏仙蠶  
白分椒壁之光紫奪蘭芽之色已均下將仍逮連營被  
服有輝負戴無力謹當上宣殊渥下拊多寒均大裙於

琅邪變無襦於蜀郡

增碑元虞集翰林承旨劉公神道碑序曰公諱賡官一品年六七十而孝靖公亡恙公躬奉食飲候寒暖晨昏不懈怡愉順其顏意若嬰兒然仁宗皇帝聞之曰此我國家人瑞也刻玉為鳩杖以賜日賜上尊酒因其生日遣大臣賜宴其家朝臣咸集日自皇太后皇后皇太子皆有賜孝靖再拜稱老臣以受賜公鬚鬢皓然親扶掖之都人相與歌詠而圖畫之

增行狀明鄭楷翰林學士承旨宋公濂行狀曰上嘗與先生飲先生素不勝杯勺舉觴即辭上強之至三觴面如赭行不成步上歡笑親御翰墨賦楚辭一章以賜仍命侍臣咸賦醉學士歌且曰俾後世知朕君臣同樂若此也甘露降上召先生賜坐上躬執金杓煉湯於鼎以甘露投之半注於卮以賜先生曰此和氣所凝能愈疾延年故與卿共之耳

御定淵鑑類函卷一百四十四

謹案第四頁後五行狐趙之勲刊本狐訛孤據左  
傳改

第八頁前四行書何力刊本力訛功據左傳改

第十三頁前八行會戰於邙山之上刊本邙訛印

又追及太宗刊本追訛迨並據唐書改


第二十二頁前四行誠勇並著清除萬慝按三國

志誠作忠萬作姦

第二十二頁前七行顯直錯枉羣善必舉是用錫

君虎賁之士按三國志無此十六字又虎賁之  
士復前疑衍





總校官庶吉士

臣

張能照

校對官檢討

臣

王福清

謄錄監生

臣

楊愈柳